

74  
A2  
W3



Long poto ya, yu ken lukim Betty Lokes bilong Manus i skrap long pamim buai na em i tromoi 40t long kisim wanpela daka na tripela buai. Yu save pinis i no Manus, em Mosbi ya.

# Wantok

Mosbi prais 25t  
Arapela provins 30t



## Wantok LAKI

Nau em i sans bilong yu long winim K25,000  
Traim Wantok Laki tiket Kompetisen nau!

Namba wan Prais — **50 LAKI**  
**TIKET** inap long **K50**

Ol arapela — 10-pela prais inap long 5-pela laki tiket.  
Lo bilong resis i stap long pes 5.

KISIM LAKI NAU

### Winim K25,000

# Kopi kempein Pes 3 progrem stat nau

### Insait

- Raskol sutim bisnisman — pes 2
- Plis ripot — pes 2
- Liklik nius — pes 3
- Tripela bilong ol Wes Irian refuji nau — pes 4
- Ol pipel kisim namba long Kwin — pes 5
- Nupela bos bilong Air Niugini — pes 5
- Ol pas — pes 14
- Nu Silan helpim raba faktori — pes 18
- Stori tumbuna — pes 19

### SPOT

- NGI na Mazda inap sakim bun long Mosbi sofbal neks wik?
- Na nupela, stail soka klap tingting bilong PMSA i sambai pinis long 1987 season.

• Inglis stori (Kaugere Sharks i kaikaim ol ston bilong Konedobu).

Paradise

Marie



### Kampani helpim Wes Sepik skol fi

OLGETA papamama bilong ol sumatin bilong komyuniti skol insait long Wes Sepik bai baim K1.50, olsem skol fi i go long Bod of Manamesmen long wan wan ko-

myuniti skol. Wanpela kampani long Wes Sepik bai baim olgeta skol fi bilong ol pikinini long ol komyuniti skol long helpim ol papamama na pikinini. Asisten Seketeri

**FELIX RAMRAM**  
i raitim

bilong Edukesen long Wes Sepik, John Kouye i tokaut tu

olsem, dispela kampani, Stack Wes Sepik Tras, bai baim skol fi long ol komyuniti skol.

Mista Kouye i tok olsem, wan wan komyuniti skol insait long Wes Sepik Provins bai kisim wanpela

sekmani inap long skol fi bilong ol sumatin long skol bilong ol long mun Februari, 1987.

Em i tok, Stack Wes Sepik Tras Kampani bai salim ol sekmani i go long ol komyuniti skol.

# Ol raskol sutim bisnisman long Hailans Haiwe

BIKPELA pret tru i wok long kamap long ol pasindia husat i ran long rot namel long Kainantu na Goroka.

Ol pipel i pret bihain long ol raskol i sutim wanpela bisnisman long dispela rot. Dispela bisnisman i bilong Mul eria long Westen Hailens Provins. Nem bilong dispela man ya em Kim Mota Kema.

Wantok Nius long Kainantu i bin painimaut olsem dispela bisnisman i bin karim ol pasindia long Lae i

laik go long Maun Hagen na dispela birua i bin kamap.

Ol raskol i bin sutim em klostu long Barolo maunten namel long Kainantu na Henganofi.

Bodi bilong dispela man ya i stap nau long Kainantu haus sik.

Dispela bisnisman i papa bilong "Hailands Trucking insait long Lae. Ol ka bilong em i save ran karim ol pasindia i go i kam long

**JERRY BERRY**  
i raitim

Hailens na Lae.

Ol lain bilong dispela bisnisman long Lae na Hagen bai kisim bodi bilong em i go long ples na planim.

Ripot i tok olsem indai bilong lida bilong ol raskol Sanap Tusaka i wok long skrapim bel bilong ol raskol na ol i wokim dispela kain pasin long bekim.

Wantok i bin toktok wantaim brata bilong dispela man indai na

em i tok, em i wari tru long brata bilong em.

Ol pasindia husat i ran long ka i wari na penim klos na trausis bilong ol long blut bilong bisnisman ya.

Provinsal Plis Komanda long Goroka, Sif Inspekta Alfred Reu i tok em i salim pinis sampela plisman long traim painim ol dispela trabelman.

Em i tok, nau yet ol i no painim wanpela man. Tasol ol plisman bai no lusim dispela eria bilong trabel i bin kamap inap ol i painim wanpela bilong ol dispela raskol.

## Nu Ailan ileksen ran gut

OL PIPEL bilong ol wan wan konstitueni long Nu Ailan bai save husat i memba bilong ol long Sarere Januери 10. Provinsal Iletoret Opisa Lazarus Kallaiwi i tok ileksen long olgeta hap bilong provins i wok long go het gut tasol.

Provinsal ileksen bai pinis long Fraide Januери 9 na ol bai stat kaunim vot long Sarere. Ol bai kaunim vot long Namatanai na Kavieng. Tasol bikpela rum bilong kaunim ol vot bai i stap yet long Kavieng insait long Provinsal Asembli Hol.

Ileksen long olgeta hap bilong provins i bin ron gut tasol long Meterankasing viles long Saut Lavonggai Iletoret klostu wanpela pait i bruk namel long gavman na ol memba bilong Tutukuvul Isukal Asosiesen (T.I.A.). T.I.A. em i wanpela kago kalt grup. Dispela lain pipel i bilip na wetim olpela presiden bilong Amerika, Presiden Lyndon Johnson.

Pait i bin laik kamap taim tupela gavman sapota i tokim ol lain man bilong T.I.A. long vot bikos Nu Ailan provinsal gavman i givim planti sevis pinis long ol.

Elektoral komisina, Luke Lucas i stap nau long Nu Ailan long lukim ol pipel i vot long provinsal ileksen bilong ol.

Long Trinde 7, em i go long Meteran Viles, asples bilong bos bilong T.I.A., Walla Gukguk na toktok long ol pipel long rait bilong ol long vot long provinsal ileksen.

Wanpela bikpela toktok i kamap pinis namel long dispela ileksen olsem Walla Gukguk i askim pikinini meri bilong em long no ken sanap long ileksen.

Tukul Gukguk, (pikinini) i bin tokaut pinis na i redi long sanap long ileksen tasol nau em i paul nabaut pinis. Planti manmeri bai no inap long vot long Tukul. Olsem ol bai harim toktok bilong Walla Gukguk. Dispela i min olsem Tukul i lus pinis dispela ileksen.

## Pater Krismas — Kiwai stail

SAPOS yu ting Pater Krismas i bihainim stail bilong ol waitman tasol insait long PNG, yu popaia. I gat Pater

Poto na stori  
Ian Kakarere

Krismas bilong tumbuna stail insait

long sampela Kiwai viles, olsem Samari, long Westen Provins.

Dispela Pater Krismas bilong Kiwai ol i

kolim "Alago" long tok ples i gat narakain bilas bilong PNG stret. Ol i karamapim bodi wantaim lip diwai, putim kain hat bilong lip kokonas long hat, bilasim pes wantaim pen bilong tumbuna na raun long givim presen long ol pikinini. Tasol ol dispela Alago i bihainim narapela stail bilong ranim na wipim ol pikinini wantaim bombom na hap tel bilong par.

Bihain long Alago i givimaut ol presen, em kirap na ranim ol pikinini i go i kam long viles eria. Ol pikinini i kisim mau mango, banana o tamato na sutim Alago long en. Dispela pasin i mekim Alago i belhat. Na em i bai ranim ol pikinini na traim bekim mekim save.

Dispela Alago bilong Kiwai i wankain long Dukduk bilong ol Tolai. Long wanem Alago i mekim pes bilong masalai bilong bikbus. Tasol Alago i save soim pes long Krismas De na Nu Yia tu.

Dispela pilai bilong Alago em i samting bilong amamasim ol pikinini tasol namel long Krismas na Nu Yia. Em i tumbuna stail bilong ol Kiwai long soimaut o mekim kamap bikpela amamas long asples.



• Alago bilong ol Kiwai long Taim bilong Krismas, ol Kiwai pipel i save lukim Fada Krismas bilong ol i kamap. Ol i kolim dispel ol lain Alago. Alago i save bilas gut tru long ol lip kokonas na singsing raun long ples.

□ **WES SEPIK:** Ol plisman long Wes Sepik i wok long painim yet bodi bilong wanpela refuji i dring wara na dai. Dispela i bin kamap klostu long Yapsie gavman stesin long Sande.

Plisman i tokaut long nem bilong man Asau Tapor, em i gat 22 krismas bilong em. Mista Asau em bilong Ok Hagankulom Viles long Irian Jaya.

Plis ripot i tok em wantaim ol sampela refuji i ran long kanu i go na kanu i tanim. Ol arapela i swim i go na tarangau man ya i no save swim. Olsem na em i dring wara na dai.

Plis long Vanimo i wok yet long painimaut yet as bilong dispela indai.

□ **SIMBU:** Ol plisman i wok painim yet indai bilong wanpela meri bilong ples Kei klostu long Kundiawa. Dispela meri indai long Sande Trinde 31 Desemba bihain long arapela meri i bin sutim em long naip.

Plisman i bin holim pas pinis narapela meri na ol i wok long painimaut yet as bilong birua.

Na long dispela ples yet, wanpela man i bin dai bihain long em i kaikai wanpela pisin. Plis ripot i tok, boi ya i kaikai pisin wanpela lapun meri i bin kukim na givim long em.

□ **MENDI:** Ol i bin katim wanpela man long tamiok na em i dai. Dispela birua i bin kamap long ples Porolo insait long Saten Hailens Provins.

Plis ripot i tok, dispela man i bin dai taim wanpela man i sanap klostu long em i paitim em long hap diwai. Plis ripot tu i tok olsem, 3-pela arapela man i bin ranim em na paitim em. Na wanpela bilong ol i katim em long tamiok long han sut bilong em. Bodi bilong dispela man nau i stap long haus sik long Mendi.

□ **MT HAGEN:** Ol i bin sutim wanpela man wantaim gan na tu ol i katim arapela nogut tru long Muglamp insait long Westen Hailens Provins.

Plis ripot i tok olsem ol lain bilong Minimbi wanpisin i go banisim ples long Roloka eria long Trinde Desemba 31. Ol dispela lain i bin go bihainim ples na kilim ol dispela lain

Ol plis i painim sot bilong katres long het bilong dispela man na tu ol painim sampela mak bilong tamiok tu long baksait bilong em. Dispela man nau i stap long Maun Hagen haus sik. Plis i wok yet long was tasol i stap.

□ **MT HAGEN:** Tripela birua bilong holimpas meri i bin kamap long Maun Hagen las wik. Insait long namba wan birua 5-pela man i bin hensapim 3-pela meri long gan na pulim ol i go insait long bus. Ol dispela 3-pela meri i bin go lotu na ol i wokabaut i kambek long haus na dispela pasin i bin kamap long ol. Dispela birua i bin kamap long Koge ples long Westen Hailens Provins.

Long Mau Ti plentesen, ol man i bin holimpas wanpela pikinini meri husat i gat 6-pela krismas bilong em. Plis ripot i tok, dispela pikinini i bin slip ausait long haus na wanpela man i bin pulim em i go long bus na mekim pasin nogut long em.

Na namba tri birua i kamap taim sampela man i bin raunim wanpela man na mekim pasin nogut long meri bilong em. Dispela birua i kamap long Maria Kudjip klap long Fraide nait 2 Januari. Ripot i tok, ol i hensapim man ya long poket naip na pulim meri bilong em i go insait long bus. Ripot tu i tok, bilum na K20 mani tu i bin lus long dispela-taim. Plis long Hagen i wok yet long painimaut moa long dispela trabel.

□ **RABAU:** Ol plisman i wok long painimaut moa long wanpela birua i kamap klostu long Bookmakers long Sarere nait. Tupela man i bin Haitim pes na go hensapim wokman bilong Bookmakers na stilim samting olsem K8,800. Ol man i bin yusim ka bilong dispela man ya long ranawe.

Long Kerevat ol plisman i bin holim na sasim wanpela man long pait i bin kamap long pinis bilong wik. Nem bilong dispela man ya em Peter Tarapa Talipa na em i bilong ples Pori long Saten Hailens. Em paitim wanpela liklik meri na mekim pasin nogut long em. Dispela meri i gat 11-pela krismas bilong em.

Long Rabaul yet wanpela liklik meri i slip nau long haus sik long Vunapope bihain long ka i bin bamim em. Dispela birua i kamap long Vunamami long Sarere nait.

# 4-pela kendidet putim nem

PLANTI ol tok-tok i bin kamap pinis namel long ol pipel bilong Unggai Bena long dispela bai ileksen. Ol i tok olsem ol i les pinis long go long ileksen.

Ol i tokim *Wantok Nius* olsem, sapos ol i vot nau em bai namba 4 taim nau ol i vot insait long 5-pela yia tasol.

Ileksen i wok long kamap klostu tasol no gat wanpela gutpela samting i bin kamap.

Tupela mausman bilong ol pipel bilong Unggai Bena, Kevin Masive na Emmanuel Kange i tok ol pipel i les pinis long makim ol lida.

Dispela ileksen bai kamap klostu long Nesenel Ileksen na ol pipel i pret tru ol bai paul long votim wanem man.

Tupela man ya tu i kros, bikos wanpela bikman bilong Anggco na tu bisnis man Benias Sabumei i tokaut long sanap resis long dispela bai ileksen.

Mista Kevin Masive i tok, "Tupela wik i go pinis Mista Sabumei tok olsem em bai sapatim mi (masive). Tasol nau em i tanim bek na laik resis wantaim mi.

Mista Masive i tok, i luk olsem sampela politikel pati i wok long sapatim Mista Sabumei.

Em i tok, planti pipel tu i wok long paul. Ol i tokim Masive olsem ol i no save long Sabumei. Ol i tok Sabumei em i kam long wanem hap tru.

Mista Masive i tok olsem, samting olsem 200 pipel i bin kamap pinis long ilektorel opis long makim em olsem wanpela kendidet bilong ol.

Wanpela bilong ol Kendidet husat i laik resis, Emmanuel Kange i tok, em i laik resis tasol em nau bai sapatim Mista Masive tasol na i no ol arapela man.

# Wingti kirapim kopi na kopra kempein

AUDREY KUGLAME i raitim

**PAIAS Wingti i tokaut pinis olsem Janueri 12 i go inap Janueri 16 em i Kopi Rihabilitesen Awenes Wik.**

Long mun Februeri ol bai holim narapela kempein long kopra. Dispela kempein bai stat long Februeri 9 i go inap long 13. Ol bai kolim dispela kempein *Kopra Intrakroping*

*Awenes Wik.*

Mista Wingti i mekim dispela tupela kempein bikos em i laik strongim tingting bilong ol manmeri long lukautim gut ol diwai kopi na kokonas bilong ol. Sapos ol i no lukautim gut ol kain kain sik i ken bagarapim ol.

Gavman bilong Wingti bai yusim K250,000 olgeta long

dispela kempein. Nesenel Eksekyutiv Kaunsil i bin tokorait pinis long dispela kempein.

Dispela taim bilong kopi rihabilitesen wik ol bai holim ol bikipela miting long Mendi, Wabag, Hagen, Kundiawa, Goroka na Kainantu. Bai ol i givimaut ol pepa, buk na ol piksa bilong ol kampani na ol man-

meri nabaut long taim ol i holim ol dispela miting.

Gavman i bin trenim sampela opisa long dispela nupela Kopi Dvelopmen Ejensi. Ol dispela lain bai helpim long bringim ol pepa na tok save bilong kempein i go long ol manmeri long ples.

Minista bilong Fainans na Plening, Mista Galeva Kwarara i bin tokim olgeta beng bilong gavman long helpim long dispela kempein. Ol dispela beng em: Papua Niugini Benking Koproksen, Agrikalsa Beng na Beng ov Papua Niugini. Em i askim tu ol narapela beng long helpim tu ol manmeri.

Praim Minista Wingti yet bai go long ol 5-pela Hailans provins long toktok long miting wantaim ol pipel.

Mista Wingti i tok olsem kopra tu i wanpela narapela bikipela bisnis. Planti manmeri long nambis i save kisim mani long kopra tasol pe bilong em i no gutpela tumas. Olsem na gavman i tingting long mekim wanpela kempein tu.

Dispela introkroping i min olsem gavman bai toktok strong long ol manmeri long no ken planim kokonas tasol. Ol i mas planim tu ol diwai kakau namel na aninit long ol kokonas bilong ol. Sapos pe bilong kopra i go daun ol kakau bilong ol i ken helpim ol.

Mista Wingti i tok olsem kopi na kopra em tupela diwai we ol planti manmeri i save kisim mani long en. Em i ting olsem dispela tupela kempein bilong em bai helpim planti growa long kisim planti gutpela kaikai.

# LIKLIK NIUS

## Ol plis na ami pait

PRAIM MINISTA Wingti i no amamas long wanpela ripot olsem ol Plisman na Soldia long Mosbi i bin pait long las wik Sarere.

Mista Wingti i bin toktok wantaim Plis Komanda David Tasion na Brigedia-Jeneral Tony Huai. Mista Wingti i tok olsem em i wari tru bikos dispela kain samting i bin kamap bipo. Em i tok tu olsem ol manmeri bilong kantri i save rispektim ol plisman na soldia olsem na ol i mas stap gut.

## Gavman ka helpim kopi kempein

**MINISTA bilong Woks Mista Peter Kuman i tokim ol draiva bilong olgeta gavman ka long Hailens rijin long bringim olgeta ka i go bek long banis. Ol bai klinin na bilasim ol ka wantaim ol piksa bilong kopi awenes kempein.**

Dispela kempein bai stat long Mande Janueri 12. Praim Minista Wingti i toktok strong long olgeta gavman dipatmen long go insait long dispel kempein. Mista Kuman i tok ol ka bai karim ol samting bilong kempein i go long ol ples. Dispela kempein i bilong helpim ol kopi groa long we bilong planim na lukautim kopi, daunim sik kopi ras na helpim kopi long karim planti frut.

## Nesenel Pati kirap long Enga

NESENEL Pati nau i opim pinis wanpela brens bilong em long Enga Provins. Ol i bin makim tu ol opisa bilong ol. Ol i makim Luso Lohan presiden, Dep Kipuli namba tu, Paul Kurai tresera na Frank Raliya sekretari.

Ol i bin holim wanpela kibung we moa long tri tausen sapota i bin kamap. Long dispela taim tu ol i makim siksipela kodineta bilong siksipela distrik na moa long 20 komiti olgeta. Brens presiden i tok olsem ol bai traime long winim olgeta siksipela sit insait long nesenel ileksen.

## Nia i Yut minista bilong Enga

**PRIMIA bilong Enga Nat Laina i makim olpela Deputi Lazarus Nia olsem nupela minista bilong Yut na Femili Sevis. Long wanpela liklik senis long kabinet Mista Laina tu i makim memba bilong Kompiam, Bui Lyandao olsem minista bilong Komes na Turisem.**

Mista Laina i tok olsem Mista Nia i save long dispela wok olsem na em bai mekim wok bilong em gut. Tasol bipo long dispela Mista Nia i bin lus long wanpela vot-ov-no-konfidens. Em i traime nau long kisim ol loman long lukim sapos dispela vot-ov-no-konfidens i stret.

## Wingti soim pes gen

PRAIM MINISTA Wingti i bin mekim kamap tru promis bilong em taim em i go lukluk long Kandep long Enga Provins. Em i bin promisim ol pipel bilong Kandep taim em i go long Enga long mun Julai las yia. Em i go long Sarere na slip wanpela nait long hap.

Mista Wingti i bin go lukluk long ol sampela developmen projek. Em i toktok tu long ol pipel long ol polisi bilong gavman.

## 'Mango Strit' bilong Daru



• Ol liklik manki long Daru Ailan i wok long bungim mango i stap long 'Mango Strit'. Nau em i taim bilong mango long Daru Ailan.

# TOTO

LONG NIU YIA TORO GIAMANIM MERI BILONG EM NA TEK-OFF...



EMI I GO SPAK... WANTAIM OL MERI LONG 5-MILE...




MERI BILONG EMI PAWAUT OLSEM TORO I GO SPAK LONG HAUS BILONG OL MERI...



TAIM TORO LUKIM KOLE I KAM EM HAIT INSAIT LONG TOILET!!



# Ol refuji winim 3-pela yia pinis



• Ol lain refuji bilong Blakwara kem long Vanimo i sanap toktok wantaim Sir Julius Chan long taim em i bin lukluk raun long dispela kem long las yia.

## Stretim hevi hariap

EM i taim nau long gavman yet na ol bos bilong tripela dipatmen i go pas long wok bilong lukautim lo na oda insait long kantri i bung wantaim na painimaut na stretim hevi insait long tripela dipatmen. Ol dispela dipatmen em Plis Fos, Difens Fos na ol woda.

Las wik long Mosbi planti manmeri i painim taim na ranawe nabaut long taim sampela memba bilong Plis Fos na Difens i bin kirapim pait insait long Gordons maket. Na bihain ol i karim j go long arapela pablik ples.

Ol manmeri i askim nau, watpo na dispela kain bikhet pasin i kamap long ol lain husat i gat wok bilong go pas long lukautim lo na oda? Em wanem kain pasin tru ya?

Em i tru olsem tupela pipel tasol i kirapim pait tasol watpo bai ol i go pulim ol wanwok bilong ol i go insait tu long pait? I no gat rot bilong stretim wari isi tasol na ol i kirap mekim dispela kranki pasin gen long pablik ples na pretim nating ol manmeri?

Ol i no gat wok long mekim na ol i kirapim pait? O ating ol i les long sindaun nating na long taim olsem ol i harim i gat liklik belhevi i kamap em nau ol i kirapim pait.

Dispela em sampela askim ol pipel i wok long askim.

STORI bilong ol refuji bilong Wes Irian husat i stap nau long Papua Niugini i go bek long yia 1973.

HENRY MORABANG  
i raitim

Long dispela tim Australia i bin lukautim PNG yet na ol i sainim wanpela boda agrimen wantaim Indonesia.

Sief Minista Michael Somare i bin sainim dispela agrimen long Februari. Dispela agrimen em bilong Australia na Indonesia i mas wok bung long helpim ol Wes Irian pipel husat i wok long kalapim boda.

Long Septemba 16, 1975 PNG i kisim independens na sainim tok orait long wok bung wantaim Indonesia. Na em i salim ol mausman i go long Indonesia. Na Indonesia i salim ol lain mausman bilong em i kam long PNG.

Long 1979, Presiden Suharto i kam lukluk raun long PNG. Long dispela yia yet ol i sainim nupela boda agrimen.

Long Februari, 11, 1981 boda komiti bilong tupela kantri i bung long lukluk gen long boda agrimen.

Long Februari 13, 1984 ol OPM i apim plak bilong Wes Papua long Jayapura. Ol Indonesia i belhat na raunim ol Wes Irian. Long dispela taim ol namba wan grup bilong refuji i ranawe kam insait long PNG.

Planti ol bikpela samting i bin kamap. Long Jun 7, 1985 PNG ambasada long Yuna-

itet Nesen Renagi Lohia i askim Yunaitet Nesen Hai Komisn ov Refuji long wokim ol refuji kem insait long PNG.

July 1984, PNG i tokaut long rausim ol 9,000 refuji i go bek long Indonesia. Dispela taim moa long 90 ol refuji tu i bin dai long hangre na sik. Bikos i no gat ol kaikai.

Long Desemba 22, 1984, moa long 100 ol refuji bilong Blakwara kem long Wes Sepik i go bek long Jayapura.

Long Feb 16 1985, Foren Afeas Minista bilong Australia i go lukluk long boda eria.

Long dispela yia 1985 planti ol bikpela samting i kamap. Wanpela bilong ol dispela samting em long PNG i fomim nupela Refuji Kaunsil long traim helpim na lukluk long ol hevi bilong ol refuji.

Dispela yia tu ol opisa bilong Indonesia na PNG tu i sainim nupela agrimen long Rabaul. Dispela agrimen em bilong boda na ri-setelmen program bilong ol refuji insait long PNG.

### Pait i kamap

Wanpela bikpela pait tu i bin kamap long dispela yia (1985) bikos gavman bilong Somare i bin salim bek ol 12-pela lida bilong ol refuji i go bek long Jayapura. Moa long 100 refuji insait long Blakwara kem i bin straik.

Long Novemba 1985 Kabinet i bin tok orait long larim ol refuji i sindaun insait long PNG. Na tu ol i orait long traim painim ol arapela ol arapela

kantri long salim ol refuji i go sindaun.

Long dispela yia, 1986, i gat sampela bikpela samting tru bai kamap. Planti kros i bin kamap long toktok bilong ol refuji long PNG.

### Lusim PNG

Ripot bilong yia 1986 i tok, samting olsem 10,000 ol refuji i stap long ol refuji kem nabaut long PNG.

Planti bilong ol dispela refuji i stap long hap bilong Wes Sepik Provins. Na sampela lain i stap long Westen Provins.

Wanpela bikpela samting tu i wok long kamap em planti ol refuji i wok long lusim PNG na go long ovasis. Planti bilong ol dispela lain i stap nau long Australia, Vanuatu na PNG yet.

Planti ol arapela lain i wok long traim strong yet long kisim Independens bilong Wes Papua. Ol lida bilong Wes Papua olsem Moses Werror (PNG) na Jacob Prai (Australia) i wok long tok strong yet long kisim Independens bilong Wes Irian.

Katolik bisop, Bisop John Ethridge bilong Vanimo i save strong tru long helpim ol refuji i mas kisim gupela sindaun.

Narapela bikman husat i save mekim ol refuji planti taim long kot, Mista Bernard Narokobi i tok, nau em i taim gavman i mas wokim wanpela strongpela lo bilong helpim ol dispela tarangu man bilong boda. Na i no ken givim baksait long ol.

### Tupela lain

Em i tok, ol refuji husat i gat tupela lain tumbuna nau i stap long PNG i mas kamap sitisen bilong dispela kantri.

Wanpela ripot i kamap long pinis bilong 1986 i tok, ol man husat i kalapim boda bai i no inap go bek long Irian Jaya. Sapos ol i go bek ol bai kamap sup bilong ol soldia bilong

Indonesia.

Nau long dispela yia ol dispela refuji i wok long tingting tasol wanem samting tru bai kamap long ol. Planti bilong ol i no save ol bai go long wanem hap o wanem samting tru gavman bilong Indonesia na PNG bai mekim long ol.

Yunaitet Nesen i wok long kamapim ol program bilong helpim ol refuji. Tasol, nogat wanpela program bilong ol i karim kaikai.

Narapela bikpela samting tu i kamap insait long dispela yia em dispela agrimen tupela kantri i bin sainim. Ol i sainim dispela agrimen bilong ol long toktok bilong boda na ol refuji.

Tupela kantri, PNG na Indonesia i bin sainim dispela agrimen long Novemba. Dispela em ol toktok bilong kamapim gut-

pela wok long boda.

Planti ol bikman i no wanbel long dispela agrimen em PNG na Indonesia i sainim. Bikos ol i tok nupela agrimen i no bihainim dispela agrimen em ol i sainim long 1973.

Dispela hevi bilong refuji bai i no inap pinis.

### Samting olsem 396

Long dispela wik samting olsem 396 ol refuji i bin go bek long ples bilong ol long Mindiportana.

Dispela go bek bilong ol em kam aninit long wanpela program bilong salim ol refuji i go bek long asples bilong ol.

Dispela program bilong salim ol refuji i go bek i kam aninit long Yunaitet Nesen Hai Komisn for Refuji na gavman bilong Papua Niugini yet.

# Wantok

P.O. Box 1982, Boroko  
Telepon: 25 2500

Teleks: NE 22213

Faks: 252579

PE BILONG WANPELA YIA, 52  
NIUSPEPA

| Ples                  | Air Surface |
|-----------------------|-------------|
| Port Moresby          | K20 K20     |
| PNG                   | K29 K29     |
| Australia & Sol Islan | K60 K39     |
| New Zeland & Pacific  | K78 K46     |
| America & Europe      | K118 K60    |

Printed and published by Rowan Sidney Callick, of Purari Avenue, Gabutu, at Allotment 2, Section 209, Hohola.

B  
i  
a  
b  
i  
a

**BIABIA GO SALIM BRUS LONG MAKET....**

**EM I SINDAUN I STAP. NA TAIM OL WANWOK I KAM EM BAI HAIT...**

OI YO DORIS I KAM YA!

**TASOL SORI BIABIA INO LUKIM NARAPELA WANWOK BILONG EM... EM LUKIM BIABIA NA LAP NOGUT TRU..**

AIYA!! LUKIM BIABIA YA!!

HA! HA! HA! HA! BIABIA I SEM PIPIA STRET..

## INDOSUEZ NIUGINI BANK LTD.

MAK BILONG INTERES LONG  
INTEREST BEARING DEPOSIT  
AKAUN IONG SEVINS ANINIT  
LONG K50,000

|   | MAK BILONG SEVINS AN INTERES |                             |
|---|------------------------------|-----------------------------|
|   | K1,000 IGO<br>LONG K10,000   | K10,000 IGO<br>LONG K50,000 |
| HAMAS TAIM MONI BILONG YU I KEN STAP WANTAIM BENK BIPO YU KISIM INTERES ANTAP LONG EN |                              |                             |
| CALL (Toksava long kisim bek Moni namel long tupela ten four Aoa - 24 hours)          | -                            | -                           |
| WANPELA MUN   | -                            | 8.75%                       |
| TUPELA MUN  | -                            | 9.0%                        |
| TRIPLELA MUN  | 8.5%                         | 9.25%                       |
| SIKISPELA MUN   | 8.75%                        | 9.5%                        |
| NAINPELA MUN  | 8.65%                        | 9.35%                       |
| WANPELA YIA   | 8.5%                         | 9.25%                       |

MAK BILONG INTERES LONG SEVINS ANTAP LONG K50,000  
BAI BENK I TOKSAVE LONG YU TAIM YU OPIM AKAUN

Phone:  
Port Moresby : 213307/213533    Lae : 423955  
Boroko : 259211    Goroka : 722055

## Nupela bos promis long daunim pe bilong Air Niugini

NUPELA Jeneral Menesa bilong Air Niugini, Mista Dieter Seefeld i tok wanpela bikpela wok bilong em, bai long glasim nupela we bilong daunim pe bilong ol Air Niugini balus. Na traim long bringim moa ovasis turis i kam long Papua Niugini.

Mista Seefeld i bin toktok long ol nius ripota wantaim bilong em, Misis Nahau Rooney, long Waigani opis bilong Minista long Tunde, 6, Januери.

Misis Rooney tu i makim gavman na em i tok welkam long Mista Seefeld husat i kamap long PNG long Mande, 5 Januери. Mista Seefeld i kisim ples bilong Masket Iangalio.

Long Trinde em i bungim ol Eksekutiv na bikman nabaut bilong ol narapela balus kampani olsem Talair, Douglas na Nesen Air. Na ol narapela liklik balus kampani olsem Co, Air long wanpela bung wantaim, em bai kamap long Tropikana

haus kaikai long Mosbi.

Mista Seefeld i gat bikpela save long ranim ol balus kampani. Na em i bin mekim dispela wok inap 18-pela yia olgeta long planti kantri long wol.

Mista Seefeld i tok, em wantaim olpela bos, Masket Yangalio i sindaun toktok longpela taim long Tunde moning long nupela wok bilong em.

Mista Seefeld i gat 45 krismas. Na em i marit na i gat wanpela pikinini. Em i bilong kantri Wes Jemeni.



• Nupela jeneral menesa bilong Air Niugini Dieter Seefeld.

# Ol Akuram pipel singaut long K15,000 na yangpela meri Sarang



• Jonathan Sengi

OL PIPEL bilong Sarang Namba Tu Viles long Madang Provins i kisim bikpela singaut long givim K15,000 kompensesen mani wantaim wanpela yangpela meri i go long Akuram pipel bilong Biwat, Is Sepik Provins long neks wik Sande, 18 Januери.

Dispela singaut i kamap bihain long indai bilong wanpela man, Jack Amba, bilong Akuram Viles. Plis long Madang i bilip olsem Jack Amba indai long han bilong sampela biruaman long Not Kos Rot klostu long Sarang No. 2 Viles long 20 Novemba, las yia. Na lain wanpisin wantaim papamama bilong Jack Amba i sutim tok long pipel bilong Sarang i mekim dispela birua.

Ripot i kamap long Plis Hetkota long Mosbi namel long

dispela wik i tok Madang Plis i no holimpasim wanpela trableman bilong dispela birua yet. Dispela ripot i tokaut olsem moa long 300 pipel bilong Akuram asples i go protes long Angoram Distrik Opis long dispela wik Mande, 5 Januери. Na ol pipel i laikim Plis wantaim provinsal gavman bilong tupela provins bung na stretim rot bilong kompensesen kwiktaim.

Namba wan kiap long Angoram Distrik, Mista Alphones Yapem i tok 70 manmeri bilong Akuram Viles insait long dispela protes i kamap long distrik opis long Mande moning, 5

Januери.

Namba Tu Primia bilong Is Sepik, Mista Leo Unumba i sanap makim Primia Jonathan Sengi na bungim ol dispela pipel. Provinsal Plis Komanda long Wewak, Sief Inspekta George Buka wantaim liklik lain plisman i kamap tu long Angoram na was long dispela protes. Na ol pipel i no mekim bikpela meknais o bikhet pasin long taim ol i givim wanpela petisen pepa i go long Mista Unumba.

I gat 5-pela strongpela askim insait long dispela petisen pepa:

1. Papamama na lain wanpisin bilong Jack Amba i mas kisim K15,000 kompensesen

na wanpela yangpela meri i kam long pipel bilong Sarang No. 2 Viles;

2. Sapos no gat wanpela yangpela meri, orait, Sarang pipel i mas givim K25,000 kompensesen pe;

3. Gutpela bekim bilong dispela petisen i mas kamap stret long neks wik Sande, 18 Januери;


4. Plis na Provinsal gavman long tupela sait wantaim i mas go long stretim dispela hevi kwiktaim; na

5. Sapos pipel bilong Akuram i no amamas long bekim bilong petisen, bai gat bikpela protes na arapela kain birua pasin i kirap bihain long 18 Januери.

Mista Yapem i tok Mista Unumba i askim viles pipel long daunim bel na larim provinsal gavman bilong Is Sepik na Madang Provins i skelim na stretim ol askim. Ol pipel i kisim tok promis long harim bekim i kam long provinsal gavman pastaim long dispela de ol i makim long kisim kompensesen pe.

Primia bilong Madang, Mista Andrew Ariako i no laik tru long toktok planti long dispela birua pasin na singaut bilong kompensesen pe. Em i tok planti lida i kirap na yusim dispela hevi long mekim kamap resis bilong wok politik. Ol dispela lida, i tingting long yusim asua olsem we bilong soim pes long pipel na apim nem bilong ol. Na ol i lusim tingting olsem asua i stap pinis long han bilong plis husat bai bihainim asrot na lo bilong gavman long daunim dispela asua.

Primia Ariako i tok gavman bilong em i pasim tok long salim lain famili bilong ol birua o trabelman tasol i go bek long asples. Tasol ol bai mekim dispela rot bihain long plisman i holimpasim na kalabusim biruaman. Olsem na ol arapela pipel husat i no gat trabel i no ken belsut nating o stap wantaim pret. Long wanem Madang Plis i luksave long kain kain birua pasin bilong dispela hevi na sambai long helpim pipel o mekim save long trabelmanmeri.



## Olgeta manmeri i laikim Niugini Table birds kakaruk.

Famili bilong yu bai laikim tru long kaikai kakaruk, long wanem, emi tes gut na switmoa. Olsem na givim ol nambawan - Niugini table bird. Emi niupela, nambawan kakaruk kwaliti, emi abus tru na redi long babakui, rostim, kukim long pot o keserol.

Kaikai Kakaruk....wanem stael oli kukim!

Kakaruk emi nambawan abus na mipela igat NAMBAWAN KAKARUK.



## Wantok

## LAKI

### Lo bilong resis

I gat piksa bilong Laki Logo i hait i stap insait long niuspepa.

Painim dispela piksa na droim ring raun long en, na salim i kam long dispela adres: Wantok, Laki Lottery Competition, P.O. Box 1982, Boroko.

De bilong resis i pinis long Tunde 20 Januери. Nem bilong ol wina bai kamap long Wantok Niuspepa long Fonde 22 Januери.

### TOK SAVE:

Yupela i ken salim hamas ansa yupela i laikim. Ol namba wan 11-pela stretpela ansa mipela i opim bai i winim prais.

I tambu long wokman na meri bilong Word Publishing na famili bilong ol na ol wokmanmeri bilong Laki Lottery na famili bilong ol stap insait long dispela kompetisen.

## BIRTHDAY GREETINGS



**KELVIN LAKI**

All the world of love from mum & dad to our little hero, Kelvin "Babo" Francis Lalawimeli LAKI of Murray Barracks, who turned two years old last Saturday, January 3, 1987, into a big independent boy.

Showers of warm wishes for the many years yet to come, still pouring in from uncles, aunts & cousins, Lakis in Mendi, Luma family of Lae and Kieta & ol tumbuna long Malu na Avatip viles, Ambunti, Is Sepik.

## BETDE



Happy B/day to:

### HERESA NAOMI MAIE

on your 2nd B/day (18.12.86). B/day greetings from dad, mum & friends of Tabubil, cousin bros & sistis & bubus of Lae.

## GRITING

### KRISMAS GRITINGS

i go long ol lain brata susa i stap long Catholic Mission Wanpop long Laigam Enga Provins; Yakopis Yan, Gapetel Yan, Yoanes Yan, Nisi Yan, Lusa Yan, Mina Yan, Sapion Yan, Wari Yan, Less-pina Kainu Lio, Tondameon Lio, Sului Yagumban, Naip Pamli.

i kam long Philip Pokatu

Happy New Year from  
**BILLSON ROLLAND**

at Kieta, NSP. I would like to sent my New Year greetings to these following friends who are listening at Manam Island, Madang Province, Bogia District. They are as follows Muriki Paul Bade, Joseph Sara, Sanom Ururu, Mantoa John Atoo, Tubuna, Surua, Sua, Amboi & all Dugu village people all of Dugulaba Village. Lastly to these following friends Daniel Auguiel, David Aguel, Dion Pakui, John Nane, & Muse Yatus, Dita Yatus all listening in Lae city. Ating yupela lus tingting long mi pinis o nogat?

## PABLIK NOTIS



Konstitusen bilong yumi long Tok Pisin. Pater Mihalic i tanim tok. Sapos yu baim orait yu ken sindaun isi isi na ritim ol mama lo bilong yumi hia long Papua Niugini.

**Pe bilong buk K3 tasol!**

Salim mani i kam long:  
**WEB BOOKS**  
Box 1982  
**BOROKO.**

**FAX**  
**252579**

## GRITING

Mipela 3-pela em:

### ANDREW ALOK TARCISUS BANAS MARIUS PIMAI

i laik salim Nu Yia gritings i go long olgeta wanwok bilong mipela i stap long Lumi, Aitape na Nuku. Mipela laik tok tu olsem, sampela long mipela ating i go pinis long ples long krismas holide. Husat ol i stap long ples nau, stap gut na kaikai gut. Mipela 3-pela i stap long Vanimo na mipela i no save gut bai mipela i go long ples o nogat. Tasol sapos mipela i go long ples, bai mipela olgeta i bung na kilim bodi... yupela save laka?... Yupela olgeta i mas stap gut long Nu Yia na bai yumi bung na wok gen long taim ol holide i pinis. Na liklik Newton Apam i laik salim Nu Yia griting i go long papamama na olgeta brata, susa bilong em long Vanimo yet. Newton i tok olsem, "Daddy Don't Get Drunk This X-Mas/New Year."

### NIU YIA GRITINGS

i go long ol lain i stap long Mt Hagen (WHP); John & Mrs Waro, Inginasus Mendai & Mrs, Mr & Mrs Wai, Mr & Mrs Karo, Kanap Lakegeon, Mr & Mrs Tapungi, Depit Tapungi, Tom Tapungi, Yoanes Titakai.

i kam long Philip Pokatu

### FERDY SALUN

Mi stap long Vanimo taun na mi bilong ples Yawili Katolik Misin, Ningil Sab-Distrik, Yangok, WSP. Mi laik salim Merry Krismas na Hepi Nu Yia i go long ples Yawil long ol dispela lain: Dennis Salun, Dickson Walter, Spastien Salun, Carol Walter, Baptis Salun, Lorens Salun, Joseph Salun, Lusia Salun, Bartha Walter, Yustina Walter, papa Walter, Anthony Salun, mama Kastio, papa Salun, mama Jenny, Lioni Lorens, Adam Joseph, Luspel Larens, Asunta Joseph. Olgeta i stap long Ningil Viles, Yangok, WSP.

### PAINIM TUPELA MAN

### PAUL POTOPAGEN NETESAKALI KAKI

Tupela man ya bilong Pandabas Viles na lain Abulin. Paulemi winim 7-pela krismas na Netesakali em 15 krismas nau. Plis traim na go long ples sapos nogat, orait salim pas long ples na ol lain bilong yutupela i ken save long yutupela i stap laip yet. Mipela ting olsem yutupela i dai o stap laip em mipela i no save. Olsem na mi painim tupela man ya sapos yutupela i stap laip long wanpela hap orait, salim pas i kam long dispela adres: Janis Wasi Wagalupa, P O Box 144, Tabubil, Western Province.



Belated B/day greetings to our beloved son

### SAMMY VETUNA WARIAMBU

who turned 9 years on the 3rd January, 1987. B/day & New Year's greetings from mum, dad, tuntun & your brother David who is spending his school holidays in Arawa. The family also wish you a successful 1987 at St Joseph's International Primary School, Boroko.

## WORD PRINTING

WEB AND SHEET OFFSET, PRINTERS

**EM I WANPELA KAMPANI I SAVE GIVIM OLGETA SEVIS LONG DISAIN, PRINTIM NA POSTIM OL DISPELA WOK:**

- \* BUSINESS CARDS
- \* WITH COMPLIMENTS SLIPS
- \* LETTERHEADS
- \* INVOICE BOOKS AND COMPLETE RANGE OF CARBONLESS PADS
- \* INVITATION CARDS
- \* PROGRAMMES AND TICKETS
- \* GREETING CARDS
- \* ENVELOPES
- \* FOLDERS
- \* POSTERS
- \* PAMPHLETS
- \* BOOKS
- \* NEWSPAPERS — WITH FULL OR SPOT COLOUR
- \* NEWSPAPER INSERTS AND SUPPLEMENTS
- \* CALENDARS
- \* ANNUAL REPORTS
- \* SCHOOL MAGAZINES AND EXERCISE BOOKS

\* Mipela i gat nem long ful kala top kwaliti wok bikos mipela i gat bikpela masin bilong printim ol kala wok hia long PNG —

Max Sheet size 650 x 910mm.  
\* Spesel prais bilong ileksen na kempein posta  
\* I gat sevis bilong tanim tok i go long Tok Pisin  
\* Fri tok save long pe bilong kain kain samting mipela i ken printim

WORD PRINTING PTY LTD  
SPRING GARDEN ROAD  
P O BOX 1982 BOROKO N.C.D.

PH: 25 2500  
TELEX: NE22213  
WANTOK

# Gavman helpim ol Vanimo papamama



• **Wes Sepik Provincial Asisten Seketeri — Edukesen, Mista John Kauye em i amamas long subsidi nesanel gavman i givim.**

OL pipel long Vanimo, Wes Sepik Provins, i belhat tru long Nesanel Gavman long namba wan wik bilong Desemba 1986, tasol ol i amamas tru bihain long gavman i givim ol Krismas presen em ol i bin askim long en.

ing bilong gavman long apim pe bilong ol haiskul fi long dispela yia.

“Skul fi bilong Aitape Hai Skul na St. Ignastius High Skul i antap tru na i winim mak ol arapela haiskul long kantri.”

Bihain long Mista Mawei na Mista Simbel i mekim ol dispela toktok, nesanel gavman i senisim gentingting na tokaut olsem gavman bai baim haiskul fi (subsidi) na papamama bai baim hap tasol.

Krismas presen bilong ol pipel bilong Wes Sepik em tok save bilong gavman olsem ol bai baim wankain mani olsem las yia long ol haiskul long provins.

Asisten Seketeri bilong Edukesen long Vanimo, John Kouye i tok olsem, Vanimo i laki olsem ol papamama i no inap sotwin long painim K300 long baim skul fi.

Em i tok olsem, planti haiskul long PNG i salim nau ol papamama long baim K200 i go inap K300 skul fi long ol haiskul pikinini.

Em hia pe bilong 6 pela haiskul long Wes Sepik i kam long opis bilong Edukesen long Vanimo:

V a n i m o H a i Skul ..... K135  
Telefomin ..... K135  
Lumi ..... K110  
St Francis — Nuku ..... K110  
Aitape ..... KK140  
St. Ignatius .... K150

## FELIX RAMRAM i raitim

Planti papamama long arapela provins tu i bin autim kros na hevi bilong ol long mak bilong nupela skul fi bilong ol pikinini long 1987.

Long Vanimo, tupela provinsal lida i bin kros tru long nesanel gavman long apim pe bilong baim skul long dispela yia, tasol nau tupela i senisim tingting.

Aitape Wes Kos memba, Melchior Simbel i tok olsem “Sapos pe bilong skul fi i go antap tru, bai ol pablik sevan na ol kampani wokman na bisnisman tasol i salim ol pikinini bilong ol i go long skul.”

Nau em i tok olsem, em i amamas tru long nesanel gavman i tingting long ol papamama long ples na tokaut long skul fi bilong 1987 i stap olsem yia bipo.

Anthony Mawei, Memba bilong Amanab i tok tu olsem em bin egensim ting-

# Australia helpim Sivil Eviesen

SIVEL Aviesen Dipatmen long PNG i namba dipatmen i kisim helpim long spesel program bilong Australia gavman. Ol i kolim dispela program non basetri asistens program na gavman bilong Australia i save givim mani long kain kain wok long Papua Niugini.

Hai Komisina bilong Australia, Michael Wilson na Ekting Sekretari bilong PNG Dipatmen bilong Foren Afeas John Balagetuna i sainim dispela agrimen, Tude Janueri 6.

Dispela agrimen namel long PNG na Australia i bilong kamapim dispela lokelaisesen program long dipatmen bilong Sivil Aviesen.

Insait long dispela agrimen, ol opisa bilong Australia na bai i no inap holim ol wok insait long Sivil Aviesen. Nau ol PNG wokman bai kisim ples bilong ol. Na ol bai kamap ovasis wokman trena na edvaisa tasol.

Dispela program i wokim bris long kamapim gutpela wok bungwantaim namel long ol opis bilong PNG na Australia.

Dispela program bai kostim Australia samting olsem K344,000 long lukautim long wan wan yia.

Dispela hap mani bai kamap insait long K6.5 milion helpim mani Australia i save givim long sapotim ol wok insait long kantri.

Wanpela stadi o wok painim aut i wok long go het yet tu olsem Australia i tingting long helpim ol arapela Dipatmen.


OL pipel bilong Wes Miamin long hap bilong Yapsie, Wes Sepik Provins i bin lukim wanpela trakta long namba wan taim. Dispela trakta em ol i kolim portabel trakta.

Dispela kain trakta inap long mekim 5-pela kain wok; katim gras, digim graun, stretim rot olsem greda, karim ol pasindia na tu ol kago.

Ol pipel ya i save lukim balus, motobaik na wilwil tasol. Ol i no save lukim kain trakta bipo.



Namba wan trakta i bin flai long helikopta i go long Yapsie long Ogas 28 long las yia 1986.

# Namba wan trakta bilong ol Miamin



• **Mekanik James Baris wantaim tupela helpman bilong em i rausim pats bilong trakta long Vanimo. Ples balus bipo long balus i karim i go long Yapsie.**

# KALANG ADVERTISING INC.

- 1) When **YOU** advertise you are trying to sell **YOUR** products or **BUILD** and **MAINTAIN** your brand name.
- 2) Successful advertisers use **RADIO**, so critical to their success, since they realise the importance of **SOUND** and **MUSIC** so why not **YOU**.
- 3) After all we talk to the people **YOU** want to reach **7 days a week** nationwide.
- 4) We even have a Free Advertising Quiz show with the chance to win big prizes to assist our advertising clients 5 days week at 6.03pm reaching Pom-Popondetta-Lae-Goroka-Kundiawa-Mt Hagen-Wewak-Madang-Lorengau-Kimbe-Rabaul-Kavieng-Panguna and Kieta all with FM clarity.
- 5) Talk to us about moving **YOUR** merchandise. The human voice will establish a friendly rapport with listeners. Spoken in a conversational manner **RADIO BROADCAST-ADVERTISING IS REMEMBERED**.
- 6) After all the biggest companies in PNG can't be wrong.
- 7) Be **WISE** and **ADVERTISE** on **KALANG FM RADIO**.
- 8) Contact us on 25 5233 or 25 4884 or write in to Kalang Advertising Incorporated PO Box 1359 BOROKO.

**Advertising Game 15 Winners:** \_\_\_\_\_

**1) Robbie Haea Boroko**

**2) Judith Seta Boroko**

**3) No winner Jackpot**



## Tok save i kam long gavman

Dispela Konstitusen, Pater Mihalic i bin tanim long Tok Pisin, em i dispela bilong yia 1975. Insait long las 10-pela yia Palamen i bin senisim sampela Konstitusen, tasol ol dispela senis i no stap insait long dispela Tok Pisin Konstitusen. Pater i bin tanim Konstitusen long Tok Pisin bai ol man/meri i save tok na rit long Tok Pisin i ken skul gut long Konstitusen. Em i bin trai hat long tanim stret olgeta tok insait long en. Tasol dispela Tok Pisin Konstitusen em i no wanpela wok bilong Gavman, olsem na yu no ken yusim tok bilong em bilong kotim wanpela man. Insait long kot, tok bilong Konstitusen long Tok Inglis tasol i gat strong.

• Holim dispela konstitusen i stap katim gut bikos Wantok bai ranim ful konstitusen inap 5-pela mun olgeta.

### 95. MAN I SENISIM GAVANA JENERAL

- (1) Long dispela hap tok hia, sapos i gat tok long Spika o long Sif Jastis, dispela i min wanem man i ken senisim Gavanal Jeneral long taim em i aut
- (2) Spika i ken senisim Gavana Jeneral
  - (a) sapos i no gat Gavana Jeneral
  - (b) sapos Gavana Jeneral i tekewe long wok inap sampela taim
  - (c) Sapos Gavana Jeneral
    - (i) i go liv
    - (ii) i stap ausait long Papua Niugini
    - (iii) i no stap klostu na ol i mas mekim wanpela samting hariap tru
    - (iv) i no inap mekim wok bilong em, o ol i no ken kisim em i kam long mekim wok hariap
- (3) Sif Jastis i senisim Gavana Jeneral
  - (a) sapos i no gat Spika i stap
  - (b) o ol i tekewe Spika pinis long ofis bilong em
  - (c) Spika
    - (i) i go liv
    - (ii) i stap ausait long kantri
    - (iii) ol i mas wok hariap na Spika i no stap klostu
    - (iv) Spika i no inap mekim dispela wok, o em i no redi long mekim wok Spika na wok jas bilong em. Tasol Sif Jastis i ken pinisim kot em i bin statim pinis bipo em i kamap Gavana Jeneral.
- (5) Sapos Spika na Sif Jastis i no inap holim wok bilong Gavana Jeneral, orait, Het ov Stet i ken makim wanpela minista, bihain long Nesenel Eksekutiv Kaunsil i bin givim tok stia long em, na em nau i kisim olgeta pawa na hevi na rait bilong Gavana Jeneral.
- (6) Kot i no gat tok long ol dispela pasin bilong givim wok na pawa na hevi long Spika o Sif Jastis o minista long senisim Gavana Jeneral.

### 96. LO BILONG WOK BILONG GAVANA JENERAL

- (1) Aninit long dispela Konstitusen wanpela Oganik Lo i bosim olgeta kain kain wok bilong Gavana Jeneral
- (2) I no gat wanpela Oganik Lo i ken senisim ol dispela lo bilong wok bilong Gavana Jeneral sapos ol i no askim em pastaim, na em i no orait long ol. Oganik Lo i mekim dispela i hangamap long tok yesa bilong Gavana Jeneral yet.

### 97. GIVIM TOK SAVE LONG GAVANA JENERAL

Sapos Palamen o Nesenel Eksekutiv Kaunsil i bin pasim wanpela tok, o mekim wanpela oda o lo insait long dispela hap konstitusen i gat tok long Gavana Jeneral, orait, Praim Minista i mas tok save wantu long Gavana Jeneral yet long dispela samting.

### 98. OL WOK BILONG HET OV STET

Sapos Gavana Jeneral i no autim tingting, orait, olgeta tok na wok bilong em i kisim strong long taim em i tok save long Praim Minista o long Nesenel Eksekutiv Kaunsil.

### NESENEL GAVMAN

### 99. OLGETA HAP BILONG GAVMAN

- (1) Konstitusen i tok olsem: olgeta pawa na strong na rait i pipel i stap long Nesenel Gavman
- (2) Nesenel Gavman i gat 3-pela bikpela hap
  - (a) Palamen — em i wanpela grup memba em ol pipel yet i aninit long Konstitusen, tasol ol i holim olgeta pawa kain kain lo
  - (b) Nesenel Eksekutiv
  - (c) Nesenel Kot sistem — em i Suprim Kot na Nesenel gat olgeta kain pawa i no gat arere bilong en. Na anini gat ol arapela kot.
- (3) Wan wan bilong tripela hap Gavman i holim pawa bilong wanpela hap i no ken holim pawa bilong
- (4) Kot i no ken senisim o skelim tok bilong namba tu (2) a tok tasol long 3-pela hap bilong Gavman.

### PAWA BILONG WOKIM OL LO

### 100. HUSAT I GAT PAWA BILONG WOKIM LO

- (1) Aninit long Konstitusen pawa bilong ol pipel bilong wanpela hap em i stap long han bilong Nesenel Palamen.
- (2) Tasol Palamen i ken givim pawa bilong wokim kain sampela arapela grup o man o komiti; na dispela grup pawa olsem long sampela grup aninit long en.
- (3) I no gat wanpela pawa long Konstitusen i ken tekeve bilong wokim lo long han bilong Palamen. Na Palamen givim dispela pawa olgeta long narapela grup o lain

### 101. HUSAT I MEMBA BILONG PALAMEN

- (1) Palamen i wanpela grup pipel i save wokim lo, na i memba bilong en:
  - (a) ol memba i makim wan wan open ilektoret
  - (b) ol memba i makim wan wan provinsal ilektoret
  - (c) inap tripela memba (na i no moa) Gavman yet
- (2) Oganik Lo bai makim namba bilong olgeta open na pro
- (3) I no gat wanpela memba i ken makim tupela ilektoret
- (4) Bihain long sampela yia Oganik Lo i ken senisim ol na ilektoret, long tingting bilong em.
- (5) Taim ol i wokim nupela arere o boda mak bilong wan dispela bai ol i yusim long neks ileksen na olgeta arapela long en.

### 102. OL MEMBA GAVMAN I MAKIM

Sampela taim Palamen i ken makim wanpela man o meri i bilong Palamen inap sampela taim; tasol 66% (em 72 bilong o vot yesa long dispela.

### 103. HUSAT INAP KAMAP MEMBA BILONG

- (1) Memba bilong Palamen i mas winim 25 yia pinis

# LOW COST

- RURAL HOUSES
- TOWN HOUSES
- KIT HOUSES
- REPAIRS AND MAINTENANCE
- TANK STANDS
- G.I. HOUSE POSTS
- CABINET MAKERS



# Wes Sepik pipel kisim presen long ol memba

KLOSTU olgeta pipel long Vanimo i bilip olsem rijonal memba Karl Stack bai no inap long lus long Julai 1987 nesanel ileksen — em bai win gen.

Mista Karl Stack i helpim pinis planti viles na pipel long wok bisnis stat long 1984 i kam inap nau. Na long Desemba 22, em i givim bikipela helpim tru long ol pipel bilong Rawo, long Not Is Vanimo.

"Ol pipel bilong Rawo Viles i kisim pinis wanpela 19 fit pinas o motabot na wanpela 25 hos pawa mota ensin i kam fri long Ela Motors Kampani brans long Vanimo.

Long Mande 22 Desemba, pes bilong kaunsila bilong Rawo, Patrick Salle i lait olgeta long taim em i kisim motabot na ensin i kam long bos bilong Ela Motors long Vanimo, Mista John Cairns.

Ol rait long dispela bot i soim olsem Ela Motors i donetim


(givim nating fri-) dispela bot long ol viles manmeri bilong Rawo.

Mista Karl Stack yet i bin pait hat long kisim dispela bot na givim i go long ol Rawo pipel. Em i askim Ela Motors

long helpim na ol i givim fri.

Kaunsila Salle i tok olsem, em i amamas tru

long Ela Motors long Vanimo. "Ol pipel bilong mi bin kra i tru long motabot na ensin



• Bos bilong Ela Motors long Vanimo, John Cairns i taitim nat long strongim nupela ensin bilong bot bilong ol Rawo pipel.

# Ol pipel kisim Niu Yia namba long Kwin

LAPUN mama husat i bin tisa bipo, Mary Angelo Kekedo bilong Kokoda, Noten Provins, nau i kamap "Dame Komanda" em i bikipela namba tru bilong Kwin Elizabeth i save givim long ol meri.

Long makim niu yia, 1987, Kwin Elizabeth i bin givimaut ol namba i go long ol manmeri bilong planti Komanwelt kantri, husat i bin hat wok long ol kain eria, gavman na bisnis tu.

Long PNG wanpela man na meri i kisim bikipela namba. Dame Mary Kekedo na Primia bilong Not Solomons Provins, Dokta Alexis Sarei. Nau bai ol i kolim dokta Sarei, Sir Alexis Sarei.

Dame Mary Kekedo, gat nem long wok bilong Edukesen na welfea wok tu. Long ol yia 1940, Dame Mary i bin kirapim tupela skul, wanpela vokesenel na narapela praimeri skul long Kokoda.

Dame Mary i gat 65 krismas. Na sampela long ol pikinini bilong em i gat bikipela wok. Tupela pikinini meri i kamap bos seketeri

bilong Dipatmen, Rose Kekedo, Leba na Employemen. Na Jean Kekedo, Seketeri bilong Sivil Eviesen.

Sir Alexis i bin wanpela pablik sevan, Distrik Komisina bipo, na nau em Primia. Em i bin makim PNG long Ingran olsem Hai Komisina. Na bihain em i kam bek long ples na ol i votim em gen olsem Primia.

Hatwok bilong em taim em i stap long Ingran i bin mekim PNG i gat gutpela wok bisnis nau wantaim ol kantri long Yurop.

Ol narapela pipel i kisim namba bilong Kwin i stap long lista.

Glaima Warana — Minista bilong Provincial Afeas (CMG).

Brown Bai — Seketeri Dipatmen bilong Praim Minista (CBE).

Luk Clement Sela — Edita Post Courier (OBE).

Ivan Raymond Anderson — Spots na Edukesen (OBE).

Dou Babaga — Komyuniti sevis (Savings na Loans Sosaieti).

Lohia Doriga — Pablik na Komyuniti Sevis (OBE).

Dokta Gilbert James MacArthur — Ko-

myuniti na Pasifik Ailan Rilip Sevis (OBE).

Samson Patiliu — Pablik sevis (OBE).

Tepu Poga — Pablik na Komyuniti long sevis (OBE).

Paul William Quodling — Sevis Komes na Bisnis; pablik na komyuniti tu (OBE).

Misis (Sista) Miriam Soroda — Long sevis nes na komyuniti (OBE).

Dispela em ol lain i kisim namba (MBE) Memba of the British Empire.

Donald Harrison Briggs — Sevis long Komes.

David Bryant — Volintia wok bilong painim ol pipel i painim bagarap na lus.

Sief Inspekta Rev Hehani Daroa, Sevis tu Plis Dipatmen.

Misis Waramp Diria — Sevis long Womens Afeas na politiks.

Samson Kila — Komyuniti sevis.

Saiden Mesa Philip Kero — Sevis i go long Plis Fos.

William Pinap Lulu — Pablik na komyuniti sevis.

Benjamin Moide — Sevis long eks-sevis manmeri na komyuniti.

## PABLIK NOTIS

Ol pipel i stap insait long Kopi Bisnis wantaim ol smolholda long 5-pela Hailans Provins na ol nambis eria olsem Oro, Morobe, Madang, Wewak na Vanimo i mas harim dispela toksave olsem bai gat Kopi Rihabilitesen Awenes Kempen wik i kirap long Janueri 12, 1987.



Praim Minista PAIAS WJNGTI bai go pas long opim dispela awenes kempen insait long ol 5-pela Hailans Provins namel long ol de i stap daunbilo:-

MANDE, JANUERI 12

— MONING TAIM LONG GOROKA  
— APINUN LONG KUNDIAWA NA  
— LONG NAIT INSAIT LONG GOROKA

TUNDE, JANUERI 13

— MONINGTAIM LONG BAIYER RIVA  
— FLAI I GO LONG MENDI LONG APINUN  
— FLAI I GO GEN LONG  
— WAPENAMANDA/WABAG NA GO BEK  
— LONG MOSBI

Err bai stap insait long wan wan ples inap 2 aua tasol na opim awenes kempen.

Ol pipel insait long ol nambis eria na ailan i gat han long Kopra Bisnis i mas kisim tok save tu olsem bai gat wankain progrem i kirap long hap bilong ol long namba tu wik bilong Februari, 1987.

Dispela progrem bai sut stret long Kopra Intakroping. Ol liklik tok klia bilong dispela progrem bai kamap bihain long dispela Kopi Rihabilitesen wik i pinis.

Ol pipel i laik painimaut moa i ken salim askim i go long:

HENI GORO (PABLISITI KODINETA)  
long telepon namba 27 2550, Fax: 27 2201, Teleks: NE22388.



# **NEW** Stayfree

adhesive Pads.


## Give you The Best Protection.

Stayfree Adhesive Pads are more absorbent and stay in place better than any other pad.


Available in mini, regular and super absorbency.



### HERE'S HOW!



No belts, pins or special panties required. Just peel off the backing strip and press the pad firmly into place inside your close fitting panties.



The three adhesive strips will hold the pad firmly in position...no matter how active you are!



**NOW  
with 3  
Adhesive Strips  
for sure, safe  
protection**

HRD 7563

# Johnson & Johnson



• Sare Dana na meri bilong em Maria Dana wantaim ol lain Kiwai pipel i kisim Hubert Nekiri i go insait long haus lotu.



• Bisop Gerard Deschamps i givim tupela buk Baibel i go long Hubert Nekiri. Wapela buk long tok Inglis na narapela long tokples Kiwai.



• Ol pipel i hatim singsing na lapun mama i sindaun paitim kundu.



• Ol yangpela man i hatim singsing taibubu.

# Bikpela de bilong amamas long Samari viles

**Ol Kiwai pipel bilong Samari long Westen Provins i amamasim tupela bikpela samting long Krismas De: lotu sevis bilong mekim wapela lokal pasta i kamap dikon bilong Katolik Sios na go long Misa bilong Krismastaim.**

Dispela lokal pasta, Hubert Nekiri i gat 27 krismas na em i bilong Samari Viles. Em i kamap namba wan Westen Provins man long kisim dispela bikpela mak bilong Katolik Sios.

Moa long 1,000 pipel i kamap long Samari Viles long Krismas de na joinim dispela seremoni bilong givim mak long Pater Hubert Nekiri. Na ol i lukim hetman bilong Katolik Sios long Daru, Bisop Gerard Deschamps i givim namba long Pater Hubert Nekiri.

Ol pipel bilong Samari i soim bikpela amamas tru. Ol i mekim planti lotu singsing long Kiwai tokples. Ol i joinim bikpela lain na pulimapim liklik haus lotu bilong ples we dispela sevis i kamap long en.

Long taim bilong mekim ofa, ol lain susa bilong Nekiri i karim botol bilong wain na wara i go long alta. Dispela rot i gat bikpela as long lokal pipel. Em i soim olsem famili bilong Nekiri i salim em i go long mekim kamap wok sevis bilong Jisas Krai.

Bisop Deschamps i tokaut bihain long dispela seremoni olsem Pater Nekiri em i lokal man i gat han long ol samting long asples yet. Ol pipel i no ken ting em bai lusim pasin bilong Kiwai. Tasol dispela namba em i kisim nau bai mekim em i kamap mausman namel long pipel na God.

Bihain long lotu singsing bilong pasim seremoni, i gat singsing tumbuna stret i kirap. Wapela lapun meri Ebia Meao i soim bikpela amamas bilong em na danis i go kam na raunim alta. Em i tokaut em i amamas tru long lukim wapela yangpela man long ples bilong em i kisim dispela namba bilong sios.

Narapela lapun man husat i olupela provinsal gavman memba, em Dibura Moiba i tok em i tenkyu tru long Hubert Nekiri i kamap dikon. Dispela senis i mekim olgeta pipel long Samari i gat mining long amamas.

Brata bilong Nekiri, Sare Dana wantaim lapun papa Dana na meri bilong em Maria tu i amamas tru long Nekiri. Tripela wantaim i wokabaut klostu long Nekiri namel long dispela seremoni. Na lapun Dana i tokaut olsem ol yet i gat strongpela bilip bipo yet long Nekiri i pinisim wok stadi na kisim wok bilong sios.

Lapun Dana i tok Nekiri i save rispektim arapela pipel. Long taim em i kisim askim long mekim wapela wok, em i no save sakim tok. Na em i soim gutpela stretpasin namel long taim em i liklik boi i kam inap long dispela bikpela de bilong em.

Pater Hubert Nekiri yet i tok em i tenkyu na

amamas tru long olgeta manmeri i bin helpim em bipo i kam inap nau. Em i putim bikpela laik long bihainim Jisas Krai. Na namba wan rot long soim dispela laik i bilong mekim wok sevis bilong Kristen sios.

Singsing bilong tumbuna bihain long seremoni i go het long apinun, nait na pinis long narapela moning. Dispela kain amamas i karamapim pestode bilong sios, Krismastaim na seremoni bilong Nekiri. Olgeta manmeri i sindaun bung long kaikai long apinun. Na singsing "Taibubu" bilong Kiwai i gat nekna is bilong en long nait i go inap moningtaim.

Ol pipel bilong arapela ples i stap long wan wan grup na sapotim selebren bilong ol Samari pipel. I gat grup bilong man tasol, grup bilong ol meri na yangpela manmeri. Na naispela stail stret i bin kamap long taim 200 man, meri na yangpipel i bung wantaim na bihainim wankain step na danis.

Ol ausaitmanmeri tu i joinim singsing. Tripela plisman bilong Daru husat i go was long dispela bung bilong Samari i joinim ol pipel long singsing tu. Dispela lain plisman, em Fes Konstabel Victor Taruwai bilong Daru, Westen Provins; Konstabel Paul Kaipu bilong Hoskins, Wes Nu Briten Provins na Konstabel Peter Muri bilong Baimuru, Galp Provins.

*Wantok* ripota husat i kisim ripot i joinim singsing tu. Pater Hubert Nekiri i stap insait long singsing na danis long soimaut amamas na promis bilong sanap namelman bilong God na pipel. Na olgeta manmeri i soim pasin bilong wanbel, amamas na bung wantaim mekim kamap smatpela piksa bilong tingim Krismas wantaim pasin bilong sios na pasin tumbuna.

Pater Nekiri i tokim *Wantok* ripota olsem i gat bikpela as long em i putim laik long dispela wok. Long taim em i stap long Daru Haikul, wapela tisa i askim em long soimaut bilip tru bilong em. Na em i no lusim tingting long dispela askim bilong tisa.

Em i bin pinisim gret 6 long Samari Komyuniti Skul long yia, 1973. Em i skul long Daru Haikul inap tupela yia. Bihain long em i pinisim Gret 8, em i tok save long Bisop Gerard Deschamps long bikpela laik long kamap wokman bilong sios.

Long yia, 1975, em i go long Chanel Koles long Ulapia, klostu long Rabaul inap 4-pela yia. Em i go long Erave long yia, 1980, na yusim taim bilong em long mekim wok traime na luksave long wok bilong Jisas. Na long yia, 1981, i kam inap las yia (1986) em i pinisim narapela hap wok stadi long Holi Spirit Seminari long Bomana, klostu long Mosbi.

Em i no tok klia long wanem daiosis em i mas mekim wok insait long en. Tasol planti manmeri long asples i bilip bai em i mas wok aninit long Bisop Deschamps long Daru na stap klostu long pipel bilong em.



**PNG'S BIG MONEY LOTTERY  
FOR COMMUNITY PROJECTS**



# **PLISMAN WINIM K25,000**



**LUKAS HAKOI** i gat tupela yia i stap long wok pinis wantaim Royal Papua New Guinea Constabulary; tasol las wik em hamamas wantaim famili bilong em long Palm Lodge Hotel long Kimbe taun.

Bikman bilong NCDIC, Jack Pidik pulim tiket bilong **LUKAS** taim ol i wokim bikpela **K25,000** dro long Tabari Park long Mosbi long tupela ten dei bilong dispela mun wantaim olgeta

fri tiket bilong ol manmeri husat pilai Laki.

**LUKAS** i wok wantaim sumons na warrents section bilong Kimbe Police Station na em bai lukautim gut dispela moni long benk long givim gutpela skul long ol pikinini bilong em. Ol man i ronim Laki nau i givim aut **K25,000** long wanpela ten pipel husat i win pinis.

**WINIM BIKPELA MONI, BAIM WANPELA LAKI TIKET**

ilong bosim ol  
 bilong en.  
 i bin votim; ol  
 bilong wokim  
 Kot. Tupela i  
 long tupela, i  
 ng em yet; na  
 narapela.  
 tap. Em i ken  
 kim olkain lo,  
 kain lo long  
 gen i ken tilim  
 e olgeta pawa  
 en tu i no ken  
 inap oltaim.  
 gat ol dispela  
 i ken makim  
 insal ilektoret  
 ret wantaim.  
 mba bilong ol  
 wan ilektoret,  
 ileksen bihain  
 amap memba  
 memba) i mas  
**PALAMEN**

(2) Kenderit i laik go insait long ileksen bilong kamap memba bilong Palamen i mas:  
 (a) kamap long dispela ilektoret em i laik makim (em i min, mama i bin karim em hia)  
 (b) o em i mas sindaun long dispela ilektoret inap long dispela tupela yia i kam inap long ileksen  
 (c) o em i mas stap insait long dispela ilektoret inap long 5-pela yia olgeta long sampela taim long laip bilong em.

(3) Ol dispela man/meri i no inap kamap o stap memba bilong Palamen:  
 (a) man/meri i no inap vot long ileksen bilong makim ol memba bilong Palamen  
 (b) man/meri i longlong na i no het klia — inap long em i ken lukautim ol pipel na graun bilong ol  
 (c) kot i bin sasim em na salim em long go dai, o long go kalabus inap long 9-pela mun o moa.  
 (d) em i karamap long wanpela tambu bilong Konstitusen

(4) Sapos man/meri i kot na em i mas dai o go kalabus inap 9-pela mun o moa, na em i apil long bikpela kot, orait, dispela tambu long kamap memba i wet yet.  
 (a) inap long taim bilong mekim apil i pinis  
 (b) o bihain man/meri i apil pinis na i wetim tok bilong kot

(5) Sapos i gat planti apil, orait, lo i mas tok man/meri ya i gat hamas taim long wokim wan wan apil bilong em.

(6) Sapos kot i tekewe dispela mekim save bilong wanpela memba o i senisim long kalabus aninit long 9 mun, o em i givim sampela arapela kain pen na mekim save, orait, memba ya em inap kisim bek sia bilong em long Palamen sapos ol i no bin statim wok bilong kirapim bai-ileksen bilong ilektim nupela memba long senisim em.

(7) Long dispela hap Konstitusen  
 (a) dispela tok "apil" em i min, olgeta kain we wanpela jas o kot i ken askim narapela kot long skelim gen sas bilong wanpela man  
 (b) "taim bilong mekim apil" — dispela i min sampela de o wik o mun, lo i bin makim, bai man i kot pinis i mas mekim apil insait long en.

## 104. OL MEMBA I STAP HAMAS YIA LONG PALAMEN

- (1) Memba i winim ileksen pinis, em i kamap memba tru bilong Palamen wanpela de bihain long pepa ol i kolim "Rits bilong Ileksen" bilong ilektoret bilong em i kam bek pinis long Gavana Jeneral. Gavman i makim dispela de pinis long taim bilong ileksen.
- (2) Memba i ken lusim ples long Palamen
  - (a) sapos ol i makim em Gavana Jeneral
  - (b) long pinis bilong de ol i bin makim bilong "Rits bilong Ileksen" i mas kam bek
  - (c) sapos em i risain, em i mas raitim tok save i go long Spika; na sapos Spika yet i laik risain, em i mas givim tok save long klak bilong Palamen
  - (d) sapos em i no bin kisim tok orait, na em i no kamap olgeta long tripela bikpela kibung bilong Palamen. Tasol Palamen i ken isi long em sapos em i gat gutpela as bilong no kamap long ol miting.
  - (e) sapos em i orait long kisim sampela pe, o em i kisim pinis sampela pe antap long fotnait bilong em, bikos em i memba bilong Palamen — na dispela pe i no kam long Palamen, tasol arawe.
  - (f) sapos em i kot pinis moa long 9-pela mun
  - (g) sapos em i dai
  - (h) sapos em i raus pinis bikos em i brukim lidasip lo
- (3) Long hap (2) (d) dispela hap tok "kibung bilong Palamen" i min

olsem: stat long namba wan taim Palamen i kibung bihain long ileksen, na olgeta taim em i mekim kibung na i gat moa long 12-pela de nanel long wan wan kibung.

## 105. JENERAL ILEKSEN

- (1) I mas gat jeneral ileksen bilong Palamen
  - (a) insait long las tripela mun i go pas long 5-pela yia i laik pinis bihain long las ileksen
  - (b) insait long 12-pela mun i go pas long 5-pela yia i laik pinis bihain long ileksen
    - (i) sapos Palamen i bin mekim vot i no gat bilip long Praim Minista, na Praim Minista i pundaun
    - (ii) sapos Praim Minista i tokim Palamen olsem, sapos yupela i vot egens long dispela mosen nau mi laik putim, em i vot bilong yupela i no gat bilip long mi na dispela mosen i pundaun.
  - (c) o sapos 51% bilong ol memba i vot long kirapim nupela ileksen.
- (2) Het ov Stet i bihainim tok stia bilong Iektoral Komisen na i makim namba wan na las de bilong vot, na tu em i makim de "Rits bilong Ileksen" i mas kam bek long han bilong em.
- (3) Long taim Iektoral Komisen i stiaim tingting bilong Het ov Stet, em i mas traim mekim olsem:
  - (a) long taim i gat ileksen bihain long 5-pela yia, komisina i mas traim makim de bilong givim bek "Rits bilong Ileksen" klostu long dispela de stret i makim 5 yia pinis.
  - (b) Long taim bilong narakain jeneral ileksen, komisina i mas makim de bilong givim bek "Rits bilong Ileksen" kwiktai bihain long Palamen i bin votim nupela ileksen.

## 106. BAI-ILEKSEN

Sapos insait long 5-pela yia bilong em, wanpela memba i lusim sia bilong em long Palamen, i mas gat wanpela bai-ileksen bilong votim nupela memba. Tasol bai-ileksen i no inap kamap

- (a) sapos i gat 6 mun tasol bipo nupela jeneral ileksen
- (b) sapos komisina i givim "Rits bilong Ileksen" bilong nupela ileksen, tasol em i no bin makim de bilong givim bek dispela "Rits," na nau em i givim "Rits" bilong wanpela jeneral ileksen, orait, dispela namba tu oda i rausim namba wan oda.

## 107. WOK BILONG SPIKA NA NAMBA TU SPIKA

- (1) Nesanel Palamen i gat Spika na Namba tu spika.
- (2) Spika na Namba tu spika, tupela i mas memba bilong Palamen, na ol memba i vot hait bilong ilektim tupela olsem ol Standing Oda bilong Palamen i tok.
- (3) Spika na Namba tu spika, tupela i holim wok bilong tupela, olsem Konstitusen na Standing Oda bilong Palamen i tok
- (4) Wanpela minista i no ken kamap Spika o namba tu spika. Sapos Spika o Namba tu bilong em i kamap minista, wantu em i lusim namba olsem Spika o Namba tu spika.

**NEKS WIK GAT MOA**

# OST HOUSES

**KIT HOUSES CAN BE DELIVERED TO ALL PROVINCES.**

**FOR FURTHER INFORMATION WRITE TO:**

**BODECO** **Timber and Hardware**  
 P O Box 189, Arawa, N.S.P. Phone: 95 1155

**NAME:** \_\_\_\_\_

**ADDRESS:** \_\_\_\_\_ **PHONE:** \_\_\_\_\_

# I no olgeta wokman i les

Dia Edita — Mi pilim olsem planti manmeri long taun i no wanbel tumas long ol manmeri long Kimbe jenerel haus sik. Ol i ting olsem ol wokman na ol nes long dispela haus sik i slo tumas long mekim wok bilong ol.

Mi laik tok olsem ol wokman na ol nes i no slo tumas. Planti bilong ol i save hatwok tru long sevim ol sikman long taim ol i go

long haus sik. Em i tru olsem i gat sampela ol lesman na meri i save wok long haus sik olsem na ol save wok isi isi tumas na ol tarangu manmeri i save go sindaun i stap. Planti taim ol i save les long raitim ol kat olsem na ol manmeri i save sindaun na wet long-pela taim tru.

Ol haus sik insait long kantri bilong yumi i no gat ples bilong ol kain lesman

meri olsem. Em ol kain manmeri olsem i save givim nem nogut long ol planti arapela gupela ol nes na ol wokman bilong ol haus sik bilong yumi.

Ol pablik tu i mas helpim wok bilong ol haus sik na dispela bai mekim wok bilong ol nes i isi na bai ol i ken helpim moa ol sikman husat i go long kisim helpim.

Mi laik tok olsem ol

wokman bilong Kimbe haus sik i mekim gupela wok na ol i no les. Em ol wan wan tasol i mekim dispela kain pasin na ol pablik i komplem. Ol sikman i givim wok long yupela lain bilong haus sik.

Na dispela wok i putim pe long poket bilong yupela long potnait.

**Samuel K. Blasius, Yawa Kompaun, Kimbe.**

# No gat holidia long plantesin

Dia Edita — Ol menesa bilong plantesin i no save givim holidia long ol wokman bilong ol long pablik holidia olsem Kwins Betde na Ista, mipela ol leba i save taitim bun yet long wok.

Maski Independens De, ol leba i save wok yet. Sapos mipela ol leba i no wok ol bai katim pe bilong mipela. Mi ting dispela kain pasin i no gupela.

Dispela kain pasin em bai yu painim long hap bilong Niugini Ailan. Ol menesa bilong ol plantesin long Is na Wes Nu Briten i save mekim dispela pasin.

Sapos yu husat i laik sapotim mi orait raitim pas i go long *Wantok Nius*.

**Luke Tua, Ialibu, SHP.**

MI LES PINIS LONG KATIM KOPRA .... LONG TAIM BILONG BIKPELA HOLIDIA



# Planti politikal pati tumas

Dia Edita — Mi wanpela grasrut manki na mi laik autim wari bilong mi i go long *Wantok Nius*.

PNG em i wanpela liklik kantri insait long Pasifik. Em i no olsem Nu Silan o Australia. Dispela tupela kantri i bikpela kantri liklik insait long Pasifik.

Dispela liklik kantri i gat planti politikal pati tumas. PNG nau i gat 12 pati olgeta. Long 1987 ileksen ol pipel bai paul long votim wanem pati.

Mi laik gavman bilong PNG i mas putim lo na tambu longmng ol nupela pati long kamap. Sapos wanpela nupela pati i laik kamap orait em i mas gat 25 ol pati memba pastaim orait em i ken kamap wanpela pati.

Tasol wan man pati olsem *Wantok Pati* bilong Roy Evara, em maski. Mi ting i no gat wanpela man inap

kamapim politikal pati bilong em yet.

Nau mi lukim olsem ol 12 politikal pati bai i no wok gut ol lida bilong ol wan wan pati i no wok olsem ol lida bilong pati na kantri. Ol i wok long tingting long poket bilong ol tasol. Ol i tingting long wokim bisnis bilong ol na ol i laik kamap olsem maniman.

Mi ting olsem ol lida bilong ol pati i lusim tingting long ol man i votim ol i go long Palamen.

Wanpela man tasol husat i kirapim nem bilong PNG, em Sir Iambakey Okuk. Em tasol i man tru. I no gat wanpela man long PNG inap kisim ples bilong em. Ating samting olsem 20 krismas bihain yes, wanpela man bai kamap long ples klian inap kisim ples bilong Sir Iambakey.

Mi no laik tru long ol politisen i kirapim ol



• Ted Diro

nupela pati. Dispela 12-pela pati em inap. Ol lida bilong ol dispela 12-pela pati i no bin kirapim nem tingting long ol man i wok long tingting long ol yet na dispela kain pasin i no gupela tru.

Mi yet i no sapota bilong wanpela pati insait long kantri. Mi wanpela grasrut manki tasol. Mi bai sapotim husat i kirapim Leba Pati insait long PNG. Yu husat i laik sapotim o tok egens orait rait tasol long *Wantok Nius*.

**Y a p a k o n A . Parange, Ambum Veli, Panguna, NSP.**

# Ol grt 6 liva i no skin kaukau

Dia Edita — Mi wanpela mangi bilong Menyamy insait long Morobe Provins tasol nau mi stap long Rabaul.

Wanpela taim mi bin baim *Wantok Nius* na mi lukim olsem pas bilong brata Jack Sora i bin toktok long givim wok long ol gret 10 na gret 12 tasol.

Mi bin ritim dispela na mi sapotim tru toktok bilong em. Em i no gupela pasin long givim wok tasol long ol dispela lain. Mipela ol gret 6 liva olsem wanem? I no gupela pasin long givim baksait long ol gret 6. Long dispela kain pasin bilong yupela na

planti trabel, i save kamap.

Mipela ol gret 6 liva i no hap skin kaukau na yupela olgeta i givim baksait long mipela. Yu mi olgeta pipel bilong PNG i wankain tasol i no gupela tru long yupela i givim baksait long mipela ol gret 6.

Ating em i taim nau long yupela kisim mipela ol gret 6 long mekim sampela wok bilong gavman o praivet kampani nabaut.

**Ulomon L., Kulon Plantesen, Kokopo, Rabaul, ENBP.**

# Poro painim pren

Dia Edita — Mi laik bai husat manmeri long PNG na ol narapela kantri i raitim pas i kam long mi olsem penpal. Em i wanpela bikpela laik bilong mi tru long raitim pas na stori i go long ol poroman olsem penpal.

Dispela em ol samting mi save laikim tru: Harim ol lokal string ben na pawa ben musik, raitim pas, pilai ol kain kain spot olsem soka na ritim buk.

Dispela em i adres bilong mi:

**Joseph Wapan, Karoona Mess, P O Box 645 PANGUNA, NSP.**

# Plis Ben i no disko ben

Dia Edita — Mi laik save moa long Plis Ben. Em i Nesanel o Royal Plis Konstabulari Ben? Na em i wanem kain ben i makim kanri PNG?

Mi yet i lukim olsem em i wanpela "Disko Ben," we ol manmeri i save danis nabaut long musik bilong en. Mi lukim kain kain sain nogut i kamap long ol memba bilong ben bihainim musik yet long gren fainal namel long Kis DCA na Hobar Wes long Mosbi.

Tupela meri ya dispela taim i no isi i brukim skru bilong tupela tru wantaim wanpela plisman bilong ben. Olgeta tuhat i pinis nating long soim stail tasol bilong ol tripela ya long pablik, laka?

Mi yet i bin ting olsem bai i gupela sapos tupela meri ya i holim han bilong plisman ya na ol tripela i mas wantaim ben. Em bai orait.

I no long ragbi graun tasol long Open De bilong Kilakila haikul tu ol skul meri na ol manmeri tu i no isi long danis long musik

bilong Plis Ben. Mi lukim ol dispela na mi ting em i nogut tru.

Mi ting Plis Dipatmen nau i ken putim tok save long niuspepa olsem Plis Ben em i disko ben tu. Em bai ol pablik i ken haiarim long go pilai long pati bilong ol na bai ol i danis long gupela musik bilong Plis Ben.

Sapos em i Plis Ben tru bilong kantri orait inap ol bosman bilong dispela ben i stretim gut. Na maski long disko ben, we long bikpela bung ol man i pikim patna bilong ol long stat danis wantaim plisman bilong yupela.

**Malcom Kofiak, Mosbi, NCD.**

# Makim gut lida long 1987

Dia Edita — Dispela pas i go long ol man i laik sanap long ileksen long Tambul/Nebilyer long Westen Hailans insait long 1987 ileksen.

Mi no sapota bilong memba bilong mipela

nau, Thomas Negints, tasol mi lukim em olsem wanpela save-man husat i save sanap toktok long kibung long Palamen. Em i save karim hevi bilong Tambul/Nebilyer na biknem Westen

Hailans.

Long taim em i makim yumi ol Tambul na Nebilyer pipel i gat kaikai i kamap long ol eria bilong yumi. Sevis bilong gavman nau i kam insait liklik na ol viles pipel i senis

liklik long ol tingting na sindaun bilong ol tu.

Olsem na mi askim yumi olgeta putim het wantaim na vot long en gen long neks yia long nem bilong ilektoret na ol pipel bilong yumi yet.

Tasol sapos i gat narapela man husat i save moa tru long makim yumi na bringim moa gupela sevis orait yumi ken vot long dispela man.

Sapos nogat, orait plis yupela ol lapun i no makim man i no gat save na yupela ol yangpela man i no ken bagarapim tingting bilong ol lapun.

Sapos yumi vot long kranki man em bai ilektoret bilong yumi bai stap las tru. Mi bilip olsem saveman olsem Thomas Negints bai litimapim nem b i l o n g Tambul/Nebilyer.

**Thomas Andol, Pombil Viles, Tambul, WHP.**

# Wes Sepik i no laikim ausait pipel

Dia Edita — Mi laik putim dispela toktok i go long ol lida bilong Wes Sepik Provins na ol kampani i kirapim wok insait long dispela boda provins.

Yupela i mas glasim gut ol pipel bilong arapela provins insait long dispela provins. Sapos ol pipela bilong arapela provins i kam wok long provins bilong yumi, bai ol i mekim planti trabel.

Mi no raitim dispela pas nating fasol long *Wantok Niuspepa*. Mi save gut long pasin bilong ol. Mi stap long Not Solomons Provins inap long 7-pela yia

olgeta. Na mi save long planti hambak pasin ol i save mekim kamap.

Ol dispela kain trabel em asua bilong kilim man indai, holimpasim ol meri na bagarapim ol. Sapos pait i kirap namel long tupela man, bai ol i pulim planti man o wanpisan na mekim pait i kamap bikpela moa. Na ol bai no inap askim papa bilong wanpela hap graun gaden o haus arere long

taun nabaut. Ol bai mekim nating long laik bilong ol.

Mi no sutim dispela tok long planti opisa husat i wok long gavma dipatmen o bikpela kampani. Nogat. Mi toktok long lebaman husat i save kirapim kompaun na pulim planti pasindia i go pulap nating long graun bilong narapela man.

**Titua T. Puwi, DPI, Kieta, NSP.**

# Hatwok i lus nating

Dia Edita — Ol politisen i no mekim tru gupela pasin long taim ol i opim nupela bris long Kabwum wara. Dispela rot i no kamap nating. Ol man i hatwok na dispela rot i kamap.

Wnapela bilong ol dispela man husat i pait strong tru em Tani Kungo. Tasol, tarangu taim bilong opim dispela bris em i no givim wanpela toktok liklik.

Na tu long dispela taim, progrem bilong dispela bris tu em ol pablik sevan i wokim. Ol i no tingting long ol manmeri husat i hatwok na dispela bris i kamap. Ol i ting ol bikman bilong provin-sal gavman i hatwok. Tasol samting tru em Tani tasol ya.

Narapela samting tu em Tom Horik i no kiap, em i wanpela politisen na watpo tru ol i givim em taim bilong toktok.

Samana tu i bin paulim ol pipel. Long taim ol i askim em long wokim rot, em i tok gavman i givim mani pinis long Aseki rot.


Dispela rot, em memba bilong Kabwum yet i hatwok na rot i kamap. Ol i bin askim Samana tasol Samana gavman i tok i no gat mani.

**Sore Awi, Timbe-Kabwum, Morobe Provins.**



PNG Electoral Commission

# GIVIM NEM NAU NA RED I LONG



# VOT

**Dispela Yia  
Em Yia Bilong  
Nesenel Eleksen**

***Mekim Mak Bilong  
Yu Long Nesen***

**Pastaim long yu ken vot  
yu mas...**

- \* Man Meri tru long dispela kantri Papua New Guinea.
- \* Kriskas bilong yu i winim 18 na antap.
- \* Stap insait long wanpela electoret inap long sikis mun.

**Noken lus tingting! Yu mas givim nem i  
go insait long redi long vot. Nogut yu  
baim kot <sup>K</sup>10**

(SECTION 56 ORGANIC LAW ON NATIONAL ELECTIONS.)

Sapos Yu Laik Kisim Moa Toksave:


Sekim Provinsol Elektoral Ofisa bilong yu. Yu ken painim telefon namba insait long telefon buk aninit long Gavman Dipatmen, Elektoral Komisin. Sapos nogat sekim Ofisa husat i bosim Gavman Stesen long ples we yu stap long en.

Dispela Toksave:- L. Lucas (MBE) Electoral Commissioner, P.O. Box 5348, BOROKO. I oraitim.

# COURTS BIKPELA NIUYIA

# SELL

Ol gutpela  
samting i stap  
long olgeta Seksen



**K20**  
DIPOSIT  
Pei bilong  
of 85 Wik **70t**  
Prais Moni **K59**

MASIN BILONG  
SAMAP LONG  
HAN.



**K20**  
DIPOSIT  
Pei bilong  
of 85 Wik **K1.35**  
Prais Moni **K99**

BUDGET DIVAN  
Isi long mekim bai i  
kamap olsem wanpela  
bed. Gutpela bilong  
ol wantok.



**K295**  
DIPOSIT  
Pei bilong  
of 85 Wik **K15.05**  
Prais Moni **K1,175**

INTEGRITY  
48cm Kala TV  
wantaim Sharp 682  
Vidio Rekoda.

**K58**  
DIPOSIT  
Pei bilong  
of 85 Wik **K3.95**  
Prais Moni **K289**


BABY BELLING  
Isi Stov. Putim pawa tasol  
na kuk.



PLANTI OL KAIN PILO  
I STAP LONG PRAIS:  
Prais Moni  
**K2.25**

**K20**  
DIPOSIT  
Pei bilong  
of 85 Wik **K1.35**  
Prais Moni **K99**

SARAH  
Isi sia na kusen bilong  
sindaun long gut prais.



SHARP GF-A1A  
Stirio inap long  
karim na spika inap  
long rausim.  
wakabout wantaim  
tupela

**K25**  
DIPOSIT  
Pei bilong  
of 85 Wik **K1.60**  
Prais Moni **K119**

BERGEN  
Wanpela Tebol na 6 Sia  
bilong sindaun na kaikai.  
Yu ken mekim Tebol i go  
longpela tu.

**K80**  
DIPOSIT  
Pei bilong  
of 85 Wik **K5.45**  
Prais Moni **K399**




BOSTON  
Ples bilong putim ol buk.

FRANGIPANI  
135cm stropela dabol na  
single bed bilong silip  
wantaim ol Materes  
bilong ol.



FOAM PILO  
WANTAIM MATERES  
Prais Moni  
**K12**

**K28**  
DIPOSIT  
Pei bilong  
of 85 Wik **K1.90**  
Prais Moni **K139**



135cm DABOL SAIS  
FOAM MATERES.

**K8**  
DIPOSIT  
Pei bilong  
of 85 Wik **55t**  
Prais Moni **K39**



Ol Samting  
K100—K250  
Set long 6  
Courts Kalas

**FRI  
GIFTS**




Ol Samting  
K500—K750  
Set long ol  
Sospen



Ol Samting  
K250—K500  
Courts Umbrala

Ol Samting  
K750 na Antap  
Ol Pelet na  
Kap wantaim  
Courts Kalas



# COURTS

## PORT MORESBY

Courts the Furniture People. Oldei na taim ol i opim ol stua  
Spring Garden Road, Gordons P.O. Box 1233, BOROKO.  
Phone: 25 5900.

|        |         |        |         |
|--------|---------|--------|---------|
| Mande  | 8am—5pm | Fonde  | 8am—6pm |
| Tunde  | 8am—5pm | Fraide | 8am—6pm |
| Trinde | 8am—5pm | Sarere | 8am—6pm |

## LAE

Courts the Furniture People. OPENING HOURS:  
Milford Haven Road, Lae. P.O. Box 1326, LAE.  
Phone: 42 4800.

|        |         |        |         |
|--------|---------|--------|---------|
| Mande  | 8am—5pm | Fonde  | 8am—6pm |
| Tunde  | 8am—5pm | Fraide | 8am—6pm |
| Trinde | 8am—5pm | Sarere | 8am—6pm |

## MT HAGEN

Courts the Furniture People. Oldei na taim ol i opim ol stua  
Wahgi Drive, P.O. Box 665, MT HAGEN.  
Phone: 52 1919.

|        |         |        |             |
|--------|---------|--------|-------------|
| Mande  | 8am—5pm | Fonde  | 8am—5pm     |
| Tunde  | 8am—5pm | Fraide | 8am—5pm     |
| Trinde | 8am—5pm | Sarere | 8am—12.30pm |



# Kampani helpim ol Migalsimbip

MIGALSIM-BIP nau i gat nupela haus lotu. Migalsimbip em wanpela ples i stap 10 kilomita longwe long Tabubil taun long Westen Provins.

Mausman bilong pipel, Mista Kasenok Moklam i tok dispela nupela haus lotu i stretim tru wari bilong ol Katolik pipel. Bipo, bipo, ol pipel i save prea na lotu aninit long ol diwai na san i save kukim ol.

Na sampela taim ol i save lotu insait long liklik haus tasol olgeta manmeri i no inap stap insait long haus.

Ol pipel bilong Migalsimbip i wokim haus long tupela wik tasol. Ol yet i givim han long wokim dispela haus olsem "selp-help projek" bilong ol.

Mista Moklam i go pas long wokim dispela haus lotu wantaim ol man bilong dispela ples.

Insait long dispela haus ol i wokim tu spes

## Florian Dati i raitim

bilong Wimens klap, na ples bilong Katolik sista long go slip na givim skul long ol manmeri long ples.

Mista Moklam i tok nau dispela haus i stretim tru wari bilong ol sista. Bipo ol i save painim ples na slip wantaim ol manmeri long ples.

Migalsimbip i

namba wan ples long dispela hap Westen Provins long wokim haus kapa haus lotu. Dispela haus lotu nau bai helpim moa long 140 ol Katolik manmeri long dispela eria bilong Star Maunten na Migalsimbip.

Mista Moklam i tok, 'Mi amamas tru bikos mi yet i traim hat tru long kisim helpim i kam long bikpela kampani. Natu arapela bikpela amamas tu em i

go long misin olsem Katolik long givim ful sapot long kampani long traim wokim dispela haus lotu.

Bisop Gerard bilong Monfort Katolik Sios long Daru i bin blesim dispela haus lotu long taim bilong Krismas.

Mista Moklam i tok, bikpela tok tenk yu tru i mas go long Ok Tedi kampani long fri saplai long timba na kapa long wokim dispela haus.

## Haus sel kibung pulim planti manmeri

WANPELA haus sel kibung long Krismas i pulim 85 manmeri i go insait long lain bilong Krai.

Planti manmeri long Not Solomons Provins i selebretim Krismas na Nu yia long laik bilong ol yet. Tasol ol lain husat i bilip long Jisas Krai i tok promis gen olsem ol bai traim long bihainim laik bilong Krai long 1987.

Long Krismas de, sampela lain bilong

Yunaitet na Kristen Laip Senta i bin bung long Roreinang Yunaitet Sios Misin Stesin. Ol i bung long Trinde na pinis long Mande 29 Desemba. Samting olsem 500 pipel i lotu na pre long dispela taim.

I gat 50 nupela lain manmeri i tokaut olsem ol i painim nupela bilip. Long dispela taim yet, 85

manmeri i baptais long wara olsem Jisas yet i mekim long taim em i wokabaut long graun.

Ol lida husat i stap long dispela kibung em Pasta Uziah Moro bilong Kristen Sios na Mista Joe Taruna bilong Yunaitet Sios.

Komiti i go pas long dispela kibung i amamas tru long ol manmeri husat i kamap.

## Bruder Koyapu bai namba wan bruder

OL Fransisken Kapusin nau bai gat namba wan Papua Niugini bruder insait long Oda bilong ol. Nem bilong bruder ya em Peter Warea Koyapu.

Bruder Koyapu bai mekim las promis bilong em long Janu-eri 22.


Fransisken Kapusin em wanpela oda husat i bihainim laip bilong Santu Francis ov Assisi. Na long Papua Niugini ol i save stap long Saten Hailans Provins.

Bikpela amamas bai kamap long Ialibu peris long taim Bruder Peter Warea Koyapu i mekim las promis bilong em.

Bruder Koyapu i bin joinim lain bilong Kapusin bikos em i laik bihainim laip bilong Santu Francis bilong Assisi. Laip bilong Santu Francis em i bilong holim baibel na prea. Bikpela wok tru em bilong helpim ol rabisman.

Bipo long bruder Koyapu i kamap long bilong Kapusin brata, em i bin wanpela katekis. Em i bin skul long Erave inap tupela yia long kisim save long mekim wok katekis.

Bihain Bruder Koyapu i lusim wok katekis na em joinim Kapusin oda.



Bruder Peter Warea Koyapu OFM Cap.

Long 1977 em i go insait olsem postulen long lain brata. Bihain long 1978 i go novisiet. Long 1979 em i stap em i mekim namba wan promis olsem Kapusin brata.

Bruder Koyapu i winim pinis 9-pela yia. Em i stap olsem wanpela brata. Na nau long 1986 em i tingting strong long mekim las promis bilong em insait long oda bilong Kapusin.

Bruder Peter i gat 34 krismas. Em i bilong ples Iate insait long Ialibu, Saten Hailens Provins.

Papa bilong em

Koyapu tasol bai stap wantaim em long amamasim dispela bikpela de bilong bruder Peter. Mama bilong em i dai pinis.

Bruder Koyapu i gat tupela arapela brata n wanpela susa. Ol tu bai kam bung long amamasim dispela wantaim brata bilong ol.

Bruder Koyapu i tokim Wantok olsem em i amamas tru long holim dispela wok. I no laik bilong em na em i painim, em laik bilong bikpela God.

Em i tok, "Mi yet i laik bihainim Jisas long laip bilong Santu Francis bilong Assisi."

## Sande lotu

Frank Mihalic

### OLGETA PIPEL I SAVE HELPIM

4 Janu-eri 1987 ..... Tri minit tingting

LONG laip bilong yumi long wan de, yumi save yusim planti samting i bin kam long ol longwe kantri na pipel. Planti samting bilong ol i bung insait long haus bilong yumi yet. Mi givim sampela eksampel nau.

Yu bihainim de bilong yu tasol. Yu kirap long moningtaim na yu waswas wantaim sop. Sop em i kamap longtaim bipo long ol tumbuna bilong ol Frans. Yu mekim drai pes wantaim taul; em i samting i bin kirap long kantri Turki. Klos bilong yu i bilong katen o nailon. Katen o kapok i kam long India pastaim; slika i kem long Saina; nailon i kam long Amerika.

Sapos yu pasim su let, let em i samting ol i bin wokim long kantri Isip pastaim. Glas bilong windo bilong yu, em tu i samting ol Isip i bin wokim namba wan taim. Na yu gat hanwas o klok? Klok i winim 400 yia pinis na em i kam long Yurop.

Ating nau yu sindaun kaikai brekpas. Plet na kap simen bilong yu i kam long Saina. Ain bilong naip bilong yu ol i painim namba wan taim long India. Fok em i samting i kamap 800 yia bipo long Itali. Ating yu dringim kofi; asples bilong kofi em i Afrika tasol. Bret na bisket em i kaikai bilong ol Yurop. Sapos yu boilim wanpela kiau bilong kakaruk, yu mas save olsem: kakaruk em i wanpela pisin ol pipel bilong Vietnam na Tailan i bin groim planti yia bipo.

Sapos yu go ausait nau na ren i pundaun, orait, yu yusim su gumi o kotren. Gumi em i blut bilong wanpela tri i save gro long Amerika. Nau yu wokabaut na yu baim wanpela niuspepa. Mani bras bilong baim em, em i kam long ol Lebanon bipo bipo tru. Na tu Lebanon yet i asples bilong ol lain

leta yumi save raitim na prinim na ritim tude long ol buk na niuspepa. Na pepa ya, em i samting bilong ol Saina.

Olsem na yumi ken lukim: olgeta de yumi save yusim planti kain samting i kam long ol arapela kantri na pipel nabaut long yumi.

Long lotu i wankain. Tude yumi gat wan wan samting i kam long kain kain lain na pipel. Yumi bin kisim tok "alleluia" na "amen" long ol Juda bilong Olpela Testamen. Yumi yusim ol kandel na yumi tingim ol Kristen bipo tru i bin yusim bilong laitim ol hul long graun we ol i hait long taim ol Roman i ranim ol. Yumi save yusim insens wankain long ol Juda na Arab na Muslim i yusim tude yet long lotu bilong ol. Taim yumi pre, yumi save pasim tupela han na poinim heven olsem ol India i mekim inap tude. Yumi save kisim olkain naispela musik na song na bringim insait long lotu.

Long dispela taim bilong yia, yumi save tingim festode bilong tripela king o saveman i bin wokabaut longwe rot bilong lukim bebi Jisas. Ol i bilong kain kain kantri; ating wanpela i blakskin tu.

Long dispela de bilong ol yumi, laik ting olsem: Jisas i bin kam bilong singautim olgeta kain pipel bilong olgeta kain ples i i kam insait long sios bilong em. Bilong dispela na yumi Papua Niugini tu i stap tude insait long sios bilong em.

Wan wan lain bilong yumi, wantaim save, na aida, na tingting, na musik, na bilasim na stori, na pasin amamas — olgeta dispela i welkam insait long sios. Yu yet i bin givim wanem samting long sios bilong yu? Mi no tok long mani. Mi tok long samting yu bin wokim long han na tingting bilong yu yet.

Yesa! "Yumi mas litimapim nem bilong God oltaim." (Rom. 11:36).

## Ol Siorovi pipel gat haus

### lotu nau

OL lain Yunaitet Sios bilong Siorovi haus lain insait long ol maunten bilong Not Solomon Provins i amamas tru bikos ol i bin opim wanpela nupela haus lotu long ples stret.

Ol i bin opim dispela haus lotu long Desemba 19 las yia. Moa long tri handret pipel i bin kam long lukim opening bilong dispela haus lotu.

Ol man yet long ples i bin bungim mani i long wokim dispela haus lotu. Olgeta manmeri i putim mani wantaim na ol man yet bilong ples i bin wokim

dispela haus. Haus lotu i kos inap long nain tausen kina (9,000) olgeta na i bin kisim olsem siks mun olgeta long pinisim.

Mista Jacob Irisi, man husat i bin go pas long dispela projek i tok dispela haus lotu i olsem wanpela haus kaikai we ol man bai kaikai long en, olsem wanpela hausik bilong ol sik man long kisim marasin, na olsem wanpela woksap bilong ol man long fiksik ol samting i bagarap nabaut.

Em i tok olsem ol


man long ples lukim haus lotu olsem dispela tripela samting. Ol man long ples tu i amamas tru olsem ol yet i gat wanpela ples we ol i ken bung wantaim na lotu long en.

Dispela haus lotu i kamap yet long strong na bilip bilong ol lain pipel bilong Koyanu insait long Kieta Distrik. Ol manmeri long dispela hap i lukim olsem toktok bilong God i wanpela bikpela samting olsem na dispela i helpim ol tru long sanapim wanpela haus lotu bilong ol yet.




• Jacob Irisi toktok long taim ol i opim nupela haus lotu bilong Yunaitet Sios.


**Not  
1...**




**Not  
2...**



**Not even 3...**



**BUT 4 In a packet**



**Double decker  
SNACK PAK  
BISCUITS**



- Coconut Snack Pak
- Orange Snack Pak
- Chocolate Snack Pak
- Lemon Snack Pak

**Morobeen**  
BISCUITS

# Nu Silan helpim raba faktori

HAI KOMISIN bilong Nu Silan, Gerald McGhie i bin go long Kep Rodney insait long Sentral Provins long opim nupela haus bilong mekim drai raba.

Dispela nupela draia bilong mekim drai raba i kam yet long Nu Silan. Ol i save kolim dispela draia long "waterwide burner." Dispela draia i save yusim paiawut tasol. Em i no save yusim bensin long lait.

Ol lain long Dipatmen ov Praimeri Industri i bin statim dispela projek long 1984. Tasol olgeta mani bilong ronim dispela projek i kam long Nu Silan gavman aninit long Opisel Developmen Asistens Progrem.

Nu Silan gavman i bin salim tripela oporeta bilong Papua Niugini i go kisim gutpela trening long fiksim na lukautim



● Nu Silan Hai Komisins, Gerald McGhie (raithan) i opim nupela masin bilong draim raba.

draia. Ol lain long Nu Silan Waterwide Developmen Limited i bin lukautim na givim trening long dispela

tripela man.

Bipo ol man i save yusim ol dispela draia long mekim drai kopra na kakau insait long

kantri bilong yusim. Dispela em i nambawan taim tru bai ol i traim long mekim drai raba long dispela draia.

# Husat i ken helpim ol manmeri i gat wari

DIA LAIPLAIN,

*MI gat wanpela wari. Na mi laik autim dispela wari i go long narapela man o meri. Laiplain i save helpim pipel long stretim hevi bilong ol o olsem wanem?*

*Mi gat askim long narapela samting. Inap ol pipel i kisim dispela kain helpim bilong Laiplain long ol arapela taun na provins ausait long Mosbi o nogat?*

'ENQUIRER'

DIA PREN,

I gat wanpela olupela astok olsem: "TELL MAUTIM WARI LONG NARAPELA MANMERI NA HAPIM WOK BILONG DAUNIM WARI". Dispela i min olsem yu mas tokim narapela poroman, wantok o wanpisin long hevi bilong yu. Sapos ol i sindaun wantaim yu na skelim toktok bilong daunim hevi, em bai ol i hap hapim hevi na helpim yu.

Yes, i gat planti arapela grup o wan wan pipel insait long arapela hap bilong PNG husat i helpim pipel long stretim wari bilong ol. Na ol dispela grup o pipel i save mekim sampela wok helpim i wankain long wok sevis bilong Laiplain.

Laiplain em i wanpela Kristen oganaisesen. Em i gat kaunseling sevis bilong helpim planti manmeri husat i gat liklik wari o bikpela hevi.



Long tude, Laiplain i gat tripela hap bilong dispela wok sevis:

1. Telepon kaunseling sevis long telepon namba 25-7711;
2. Pesonel kaunseling sevis bilong helpim ol pipel husat i bringim wari i go long wanpela kaunsela long opis; na
3. Leta kaunseling sevis long bekim toktok na wari bilong pipel husat i raitim pas i go long Laiplain, P.O. Box 6047, Boroko, N.C.D.

Ol manmeri na ovasis volantia i kisim trening long helpim o givim tok stia long planti kain samting.

Ol dispela kaunseling opisa bilong Laiplain i gat save long helpim pipel long toktok o wari bilong medikal na helt toktok, hevi bilong marit o pren, manmeri i no gat wantok o poroman, hevi bilong spak pasin na ol kain hevi nabaut.

Sapos Laiplain i bilip wanpela man o meri i mas kisim sampela helpim moa, ol i save salim dispela man o meri i go long narapela oganaisesen o helpim man. Na dispela arapela grup i ken givim sampela helpim moa long dispela man o meri i gat hevi.

Laiplain i gat ol fultaim wokmanmeri na volantia i stap long senta bilong en long Waigani (long hap sait bilong Paia Stesin). Ol dispela wokmanmeri i sambai long senta namel long taim bilong wok. Na ol pipel i stap long Mosbi siti i ken tok save long telepon na makim taim long soim pes long dispela senta, long stretim hevi bilong em wantaim wanpela ofisa.

Yumi ol pipel bilong Melanesia i gat dispela gutpela pasin bilong tumbuna long autim wari i go long arapela memba bilong famili. Em i gutpela rot bilong daunim hevi. Tasol, long tude i gat planti pipel i lusim asples na stap longwe long famili. Na ol i save painim hat tru long sindaun wantaim wantok na autim hevi bilong ol.

Ol helpim pasta bilong skul, ol Armed Sevis opisa, pesonel ofisa bilong ol praivet kampani olsem Bougainville Kopa Limitet na arapela oganaisesen i save long wari na hevi bilong ol wokmanmeri na famili bilong ol. Ol i save sindaun long bung na autim tok stia long helpim sindaun na stretim wari bilong wan wan man o meri.

Ol kristen pris na pasta i sambai tu long helpim lain memba bilong sios kongrigesen husat i painim hevi long wokabaut o sindaun bilong ol.

Ol arapela spesialis wokmanmeri olsem dokta, sosial welfea opisa na ol famili Plening Senta i sambai tu long helpim pipel long kain hevi bilong wok medikal o sosial asua nabaut.


Ol dispela kain helpim man o meri i stap nabaut long olgeta senta bilong PNG. Na yu ken painim adres o telepon namba bilong ol insait long telepon buk.

I gat wanpela nupela kaunseling sevis i wankain long Laiplain i stap nau long Lae. Na ol pipel insait long Lae siti i ken kisim helpim long dispela grup. Ol i mekim kamap wankain wok helpim olsem Laiplain Senta long Mosbi.

Dispela grup long Lae em i Sosial Konsens Opis. Ol i wok aninit long lukaut bilong Lutheran Sios. Na opis bilong ol i stap long Third Strit. Telepon namba bilong ol, em i 42-2445.

MI LAIPLAIN

# Tupela brata kros long bin



## STORI TUMBUNA

BIPO tru long taim bilong ol tumbuna tupela brata i bin stap klostu long maunten Agakamata long Okapa. Tupela i stap bilong tupela yet, bikos tupela i no inap long painim ol famili bilong tupela.

Klostu long haus bilong tupela i bin gat planti pipia tru em tupela i hipim i stap. Wanpela de wanpela liklik rop i go antap long dispela ol pipia.

Tupela brata i lukim dispela rop na tupela i ting em i wanpela rop nating olsem ol kain i kamap nabaut long bus. Bihain gen long wanpela moning bikpela brata i kirap i go na em i lukim rop i gat narapela kain lip bilong en. Em i no save lukim dispela kain rop bipo.

Bikpela brata i tingting planti, "Maski mobeta, mi pasim wanpela longpela stik klostu na rop i ken holim na gro i go antap long en."

Em nau bikpela brata i mekim olsem. Na rop i holim pasim dispela hap diwai ya na i wok long gro i go antap.

Sampela wik bihain dispela rop i karamapim olgeta diwai. Na foapela pikinini i hangamap i stap. Dispela foapela pikinini em bin bilong kaikai.

Bikpela brata i lukim pastaim. Na em i tokim liklik bilong em long i no ken kisim ol dispela bin i hangamap i stap.

Tupela i lukautim gut tru dispela bin nau. Na em i wok long karim moa pikinini. Na planti moa bin i wok long hangamap nabaut i stap long dispela bikpela bin.

Wanpela de bikpela brata i tokim liklik brata olsem em bai i go painim sampela kaikai na mekim sampela wok tu long bus. Na em i tokim liklik brata i no ken kisim wanpela pikinini bin. Em i mas was gut long dispela bin.

Em i nupela samting tru long laip bilong tupela wantaim long lukim kain rop i karim pikinini. Na rop ya i

narakain tru long ol rop i stap nabaut long bus.

Tasol liklik brata i brukim promis bilong em. Bipo yet em i save wari tru long brukim wanpela pikinini bin na kaikaim. Em i laik save bai swit o em i bus rop tasol i kamap klostu long haus bilong tupela.


Long taim bikpela brata i stap pinis long bus, liklik brata i go isi tasol na brukim wanpela bin na kukim long paia. Em i traim kaikai liklik tasol na daunim. Man, em i pilim swit tru. Orait em i laik kukim skin bilong bin gen long ples paia. Em i go tromoi tasol skin i go bek gen long ples klaia. Liklik brata i pret olgeta nau.

### Brata i pundaun

Long taim bikpela brata i go kamap long haus, em i lukim paia i gat ol skin bin i stap. Em i go sekap long diwai bin ya na em i lukim olsem ol lip bilong bin i pundaun i stap.

Bikpela brata i kros nogut tru. Em i belhat na i paitim liklik brata bilong em. Em nau tupela pait i go na bikpela brata i tanim na katim lek bilong liklik brata long tamiok.

Liklik brata i pundaun nau na tanim,



tanim i stap. Liklik brata i kisim bikpela pen tru.

Em nau liklik brata i kisim olgeta samting bilong em na painim ol rop na pasim na taitim long lek pinis kisim ol liklik samting bilong em na em i lusim ples.

### Tupela meri

Em i holim stik na wokabaut isi isi i go.

Sampela de em i slip long bus na painim ol bus marasin na pasim bikpela bagarap em i kisim long lek bilong

em. Bihain taim em i pilim orait liklik, em i holim hap diwai stik ya na em i wokabaut isi i go na tudak namel long rot bai em i slip gen.

Em i mekim olsem i go i go longwe tru. Em i painim wanpela haus wantaim tupela meri tasol i stap. Haus i stap namel long bikpela bus tru. Tasol, haus bilong tupela i sanap insait stret namel long draipela gaden i pulap tru long ol bin tasol.

Man ya i go kamap long tupela. Na tupela meri i lukim na ol sori

tru long man ya. Tupela i kisim ol bus marasin gen, na pasim lek em tamiok i katim long en.

Tupela i givim kaikai long em. Bihain long em i kaikai pinis em sindaun stori nau long pait wantaim bikpela brata bilong em.

Liklik brata i lukim ol bin i pulap tru ausait olsem plantesen. Em i lukim na em i wari na kraik nogut tru. Dispela samting tasol na em i karim bikpela sem na birua. Wantaim brata bilong em.

Bihain tupela meri i tokim em dispela bin i kamap long haus bilong tupela brata em ating win i karim long bin plantesen bilong tupela meri ya.

Liklik brata i no moa go bek long bikpela brata. Em i maritim tupela meri ya wantaim na i stap olgeta long dispela hap we bikpela gaden bin i stap long en.

Kuta Patoro, Okapa Komyuniti Skul, Goroka/EHP.

### Lep i go long rait

1. Dispela i save helpim long brukim ol kaikai long maus.

5. Ol drai lip bilong kokonas.

10. Long taim yu slekim bai paia i lait.

12. Asosiesen bilong ol pablik sevan.

13. Air Niugini i gat bisnis long dispela transpot.

15. Pilim nogut.

17. Bigman.

19. Wanpela kaikai i luk olsem sop.

22. Long taim ai bilong man i bagarap.

25. Wokabaut tasol i go long wanpela ples longwe.

26. Pekato.

27. Bilas bilong lek.

28. Samting i dai na smel i kamap.

29. Abus bilong wara.

32. Rabaul i stap long dispela Is Nu Briten Provins.

34. Em i orait.

35. Adam ..... Eva i gat tupela pikinini.

37. Wanpela kain sop paura.

38. Lukluk long wanpela samting.

40. Long taim yu laik ring long ol ples longwe bai yu mas yusim dispela telepon.

42. Namba wan kaikai bilong ol Papua Niugini tude.

43. Gumi.

44. Hoskins long PX.

Antap i go daun

2. Olman i sik ..... go long haus sik.

3. Talair.


4. Abus bilong solwara na wara.

6. I no pas.

7. Ples Kaikai bilong skul o kampani.

8. Haus Kalabus i

## SKRUIIM TOK



stap long Westen Hailans.

9. Long taim yu toktok long yu yet bai yu tok olsem.

11. Studen.

14. Ol enimal i save kalap kalap na mekim planti nois tumas.

16. Bilong opim lok.

17. Long taim tupela ka i sutim nus.

18. Wanpela ples long Morobe.

20. Em i laik resis long Unggai/Bena bai ileksen.

21. Hetkota bilong gavman long ol ples longwe long taun.

22. Ol sios grup.

23. Tingting bek.

24. Wanpela kain pis.

27. Namba wan kaikai bilong ol Sepik.

30. Long taim ol wasman bilong sipsip i go kamap ol i lukim bebi Jisas ..... i stap long bokis kaikai bilong ol bulmakau.

31. Em i save helpim ol man long go painim abus long bus.


33. Wari tru.

36. Ples tais em i ..... bilong ol moskito.

37. Strongpela tok save.

39. Amerika.


41. Wanpela sik nogut.




### ONE SHADOW MATCHES TIM. WHICH ONE?



### ONLY TWO OF THESE PORTRAITS ARE THE SAME. WHICH TWO?



WRITE YOUR ANSWER here



Find a way from the star to the peacock's eye.




**LONDON, INGLAN:** Wanpela man bilong wokim ol pes tumbuan long ston, Phil Murdin bilong Guilford i wok long English Heritage Stoncarver Woksop long London. Phil i wok long sapim ol pes bilong putim long Edward 111 Windsor Kasel. Ol bai putim dispela ol pes tambaran long bigin bilong 1987 long bikipela haus ya.



**KARACHI PAKISTAN:** Wanpela liklik manki husat i gat 12-pela krismas i dai bihain long ol ami bilong gavman i bin sutim em. Em i bin brukim lo bilong tambu long raun long nait. Moa long 180 manmeri i bin dai las wik long taim pait i kamap namel long ol pipel yet.



**MANILA, FILIPINS:** Presiden Corazon Aquino i givim wanpela dol long sik pikinini. Em i bin raun na givim presen long ol sik manmeri na long ol rabismanmeri long Filipin long taim bilong krismas.



**MADRID SPAIN:** Long taim bilong Krismas i gat kainkain bilas. Long piksa ya yu ken lukim ol kain enimel, ol i kolim bea i putim ol klos bilong Father Krismas. Dispela piksa em long Castellana Avenu long Madrid biksiti bilong Spain.



**KEP TAUN, SAUT AFRIKA:** Asbisop Desmond Tutu i sekham wantaim wanpela waitpela meri long bikipela haus lotu we em i bin mekim misa long Krismas. Dispela misa bilong ol i wokim bihain long bikipela tambu tru gavman i putim long stapim ol manmeri i sapotim ol lain i egensim lo bilong apetaid long Saut Afrika.



**KALAMATA, GRIS:** Liklik Maria Malama i karim sia na kisim i go long klasrum bilong em. Mama bilong em i karim baket wara na sanap i stap. Maria na famili bilong em i wanpela bilong ol dispela 20,000 manmeri husat i no gat gutpela haus bihain long guria i bagarapim haus bilong ol long kalamata long Septemba 13 las yia.



**CO-AIR**

Co-ordinated Air Services Pty. Ltd.

Air Charter services throughout Papua New Guinea. Providing you direct access to the rural areas of Morobe Province.

For further inquiries contact:

**BILL REEVE**

Phone: 42 3233

P.O. Box 1257 Lae.

AERIAL AVE, LAE

# Wantok



## NGI NA MAZDA INAP SAKIM BUN?

OL man long Mosbi bai kirapim namba tu hap bilong sofbal pait gen bihain long tripela-wik malolo long dispela Sande, 11 Januari.

Ol pilaia na sapota husat i kisim rekot bilong resis bai putim ai long pilai bilong Mazda na NGI. Long namba wan hap bilong sofbal resis long las yia, Mazda i bin holimpasim Fuji 4-4. Na NGI i dro wantaim Malangan 8-8. Inap dispela kain skoa bilong dro i kamap gen long dispela Sande o olsem wanem?

Insait long las sofbal pait bilong las yia, Mazda i kisim nogut long han bilong Kabiu 9-5. Na Gasel i krungutim NGI 12-7. Sapos kain kain amamas bilong Krismas na Nu Yia i mekim lain pilaia bilong Mazda na NGI i airaun yet, ol i mas lukaut. Long wanem, i gat 8-pela wik moa long bungim fainal yet, Fuji wantaim Malangan i gat promis long go insait long fainal.

### Ben Wauns i raitim

Mazda bai opim A gret resis na salensim Fuji long hap pas 10 (10.30) moningtaim. Na NGI bai pasim pilai na traim bun bilong Malangan long las gem bilong dispela Sande. Sapos ol manmeri bilong bihainim rekot bilong poin lata i laik bet long wina bilong dispela tupela resis, ol i mas putim mani long fuji na NGI.

Long namba tu A gret resis long 12 klok apinun, em bai Ailan Hawks i mas trai hat moa long autim Gasel.

Dispela Gasel tim bilong Jack Pidik i kamap sempion insait long nesanel Gasel sofbal tonamen long Rabaul namel long krismas holide. Na blut bilong ol i hat yet. Sapos David Kaputin na lain pilaia bilong Hawks i laik kirapim paia na tanim lata liklik, ol i mas wekap nau. Long wanem dispela

18-1 lus ol i kisim long han bilong Gasel namel long las yia i mas kisim bek gutpela dinau, laka?

Yokomo i mas opim ai tu. Long wanem ol bai salensim Elkom long namba tri resis long apinun. Elkom i kisim namba wan ples long poin lata wantaim Gasel. Na yu ting ol bai slek na lusim dispela posisen isi tru o nogat? Oloman, nogat ya. Yokomo i mas pilai strong moa, nogut bai Elkom i abrusim dispela 12-2 skoa bilong bipo na salensim ol gen.

Bai gat narapela hatpela sofbal pait i kamap namel long Braun Igels na Kabiu long 3 klok apinun. Braun Igels i bin soimaut pawa bilong ol long taim ol i memeim Gasel long 5-pela wik bipo. Na kabiu i soim stail bilong sempion tim na sanap lida long kompetisen inap 7-pela wik na surik i go daun gen. Long dispela taim bipo, Kabiu i memeim Igels 8-3. Sapos Igels i laik pinisim dinau, ol i mas putim kamap strongpela pait tru long dispela Sande.

## Touch footy must develop

PNG must be strong in playing touch football in order to participate at the 1988 World Cup games in Australia and promote the code.

Touch football must form a national body to secure club sponsorships according to Port Moresby Touch Football Development officer Rob Cochrane.

He said also that the code was unlikely to secure major sponsorships unless a national body was formed.

Mr Cochrane said, "we can't have people sponsoring touch unless it is played nationwide. Club sponsorship will boost players interest and the code."

He understood that touch was in Port Moresby as well as in Lae, Goroka, Kimbe and Mt Hagen.

Port Moresby touch football association is an affiliated member of the PNG Sport Federation.

The president of the Port Moresby association Mr Manu Geno also urged all officials of other touch football associations around the country to co-operate to form a national body.

"There are already invitations from Australia to play touch football and Port Moresby has first priority to go to Australia. But we want to have a national team go there," Cochrane said.

## Sharks eat Rocks

Picture by Markroy Teno





Port Moresby Konedobu playing ground turned into a field of blood as two arch rivals in the suburban league attacked one another last weekend. Kaugere Sharks swallowed Kone Rocks to end the fight.

# KOOL

**SUPPORTS VARIOUS SPORTS IN PNG**

*Manufactured by  
WD & HO Wills (PNG) Ltd*



**No.1 MENTHOL  
CIGARETTE IN  
PNG**

**Play it KOOL**

by AUDREY KUGLAME

EIGHT women's teams in the National Capital District Women's Touch competition will now take part in the quarter finals on Sunday January 11. The games will be held at the Sir

## The fittest and most committed of 8 to win finals

Hubert Murray stadium. This is a result of three months of games that started in September last year.

Although 20 teams took part in the competition, only eight made it to the finals. These finalists were decided

during the last week of competition.

The closeness of the competitors showed that all 19 teams could have made it to the finals with only two weeks to go. However Credit Corporation Cavaliers came out as

minor premiers with a surge just at the right time.

Cavaliers' coach Loena Roa said, "My team will go all the way. We are fit and we are committed."

Bulldogs, one of the three Porebada teams

in the competition, finished second with 50 points, only a point behind Cavaliers.

Timothy Mataio, Bulldogs and DCA coach, said that his team had been a better side throughout the competition so he

hoped they could keep up with it.

He also said although his team lacked speed they had skills. The main thing Mataio tells them to do is to defend their try line very well.

The Bulldog girls are second on the ladder but coach Mataio has told them not to be too confident and also not to underestimate the opposing teams.

He said the games would be very tight as each team would now be training hard for the quarter finals. "I am not too optimistic but I think my girls will go through the quarter finals undefeated," coach Mataio said.

Up and coming team Rockets, lead by Miriam Midire could be the surprise of the series as its recent form has propelled Rockets in the finals.

Hebou Vikings, which lead the competition almost all season, seemed to have suffered from overconfidence. These young women played their best all throughout the season but seemed to have lost interest in the very last weeks of the competition. It was even incredible that they could not even turn up for last Sunday's December 21 1986 game.

Leko PTC, which will be taking on Hebou Vikings, says it is fit and ready to take out the game. Captain Helen Mikeson said

members were training hard and looking forward to that game. "We lost a couple of our games because most of our good players were away on leave. They are back now and we will have no worries winning in the finals," Helen said.

The standard of the code has been very high so those teams that did not make it to the finals should not be disappointed. Medics, Transport and Niugini Lloyds Kaugere were just unlucky to have not made it to the finals.

There will be a lot to see on Sunday as a gala day has been planned for.

The curtain raiser game will be between the premiers of the men's touch competition, division one KB Raiders and a very determined Imilakele.

(See weekend draw on page 8.)

"Please tell us"

The touch association of PNG is thinking of forming a PNG national body. It would like to hear from any interested individuals and associations in the country. For information contact John Balavu on 25 2403 or write to: Touch Association PO Box 565 Boroko, NCD

## PMSA makim las de; 13 Feb

TUPELA SEMPION 1ST DIVISION TIM BILONG Mosbi las yia, Rapatona na Air Niugini, i kisim promosen i go antap long primia divisen long dispela yia. Morobe Yunaitet klap husat i kisim saspensen na lusim primia divisen kik resis long las yia i go bek gen insait long primia kik. Na dispela olgeta sisen bipo.

BEN WAUNS i raitim

PMSA seketeri William Vui i singaut tu long olgeta kap o tim i baim afiliesen na registresen fi i go long PMSA kwiktam. Opis bilong PMSA insait long Bisini soka oval long Boroko i sambai long kisim mani bilong Hara Kap pri-sisen nokaut resis na fi bilong sisen. Las de bilong PMSA i kisim K100 afiliesen fi bilong wan wan tim bai kamap long Fraide, 13 Februari. Na taim bilong kisim registresen fi bilong ol pilaia bai pinis long 27 Februari.

Ol tim i laik pilai insait long Hara Kap nokaut resis i mas givim K60 nominesen fi i go long PMSA kwiktam. Long wanem taim bilong kisim displa mani bai pinis long 11 Februari. Na PMSA i laik kisim namba wan 32 soka tim tasol insait long dispela resis.

Vui i laikim olgeta soka tim na pilaia i klia olsem afiliesen fi bilong wan wan tim insait long sisen tru em i K100. Registresen fi bilong wan wan pilaia long primia divisen em i K20, pilaia long 1st, 2nd na 3rd divisen em i K15 na pilaia long Anda-18 wantaim womens divisen em i K10. Ol tim na pilaia husat i popaia long kilim dispela "dinau" insait long dispela taim PMSA i makim kamap bai kisim saspensen. Em bai ol i no inap kik resis namel long dispela sisen.

# Nupela, stail soka klap long Mosbi... ... bai daunim wansait pasin

BEN WAUNS i raitim

OL soka pilaia long Mosbi bai gat sans long pilai insait long primia tim aninit long nupela "klap sistem" bilong Mosbi Soka Asosiesen (PMSA) long dispela yia.

PMSA i makim 14 primia klap aninit long dispela nupela senis long tupela wik bipo. Wanpela primia klap bai go pas long wanpela 1st divisen tim, wanpela 2nd divisen tim, wanpela 3rd divisen tim, wanpela junia tim (Anda-18) na wanpela wimens tim. Olgeta tim bai kik egensim birua tim insait long divisen bilong ol yet namel long soka sisen.

I gat wanpela gutpela as bilong mekim dispela senis. Wanpela pilaia husat i soimaut smatpela kik long 1st, 2nd, 3rd o Anda-18 divisen i ken kalap i go antap na pilai long primia tim. Dispela i min olsem olgeta pilaia i gat wankain sans long soim pes insait long primia divisen resis.

I gat narapela as bilong dispela senis tu. Em bai seleksen komiti bilong PMSA i ken putim ai long olgeta divisen na makim ol smatpela pilaia insait long Mosbi skwat. Dispela seleksen bai kamap taim PMSA i makim Mosbi skwat bilong nesenel sempionsip resis o arapela intanesenel soka tonamen.

Seketeri bilong PMSA, William Vui i bilip olsem nupela senis bai tambuim rot bilong ol lowa divisen klap i bringim komplek. Planti komplek i save kamap bipo olsem asosiesen i save wansait tumas na makim ol pilaia bilong primia divisen tasol insait long Mosbi skwat. Dispela pasin i no inap kamap aninit long dispela nupela sistem.

Vui i tokaut strong olsem wan wan primia klap i mas i gat wanpela 1st, 2nd na 34rd

divisen tim aninit long lukaut bilong ol. Em i laik bilong wan wan klap long makim o fomim wanpela Anda-18 tim na wanpela wimens tim. Sapos olgeta primia klap i lukautim wankain namba bilong lowa divisen tim, em bai PMSA i painim isi long kamapim ol dro bilong pilai.

Hia em i lista bilong ol klap aninit long dispela nupela klap sistem:-

- 1 WESTPAC (primia), PNG-Gold (1st divisen), Westpac II (2nd), LSC (3rd), Anda-18 na wimens;
- 2 DIFENS, Luteran Yut, Difens 2, Jevaha, Anda-18 na wimens;
- 3 GFC, Kula, KE-Isuzu, Yabwau, Anda-18 na wimens;
- 4 YUNIVESITI, Katumani, Maniota, PTC, Anda-18 na wimens;
- 5 GURIA, Bornd, Stone Axe, Pagili, Anda-18 na wimens;
- 6 MILEN BE YUNAITET, Sentral Yunaitet, Faze, Milen Be Utd 2, Anda-18 na wimens;
- 7 BLU KUMUL, Country Choice, Blu Kumul 2, Sabam, Anda-18 na wimens;
- 8 SOBOU, Nomads, Kusebo, Sobou 2, Anda-18 na wimens;
- 9 WANZESI, Waliya, Watani, Wanzesi 2, Anda-18 na wimens;
- 10 TARANGAU, Murat, Palif, Tarangau 2, Anda-18 na wimens;
- 11 SUNAM, Ali Yunaitet, Maegin, Mapos Yut, Anda-18 na wimens;
- 12 MOROBE YUNAITET, VRFC, BFC, Tokanen, Anda-18 na wimens;
- 13 RAPATONA, Golo, Buresong, Rapatona 2, Anda-18 na wimens; na
- 14 AIR NIUGINI, Losegu, Markham, Ese, Anda-18 na wimens.

## Nokondi em sempion Siane Viles Ragbi Lig klap

NOKONDI tim i bin daunim Likas tim insait long gren fainal long Watabung Viles Ragbi long Goroka las wik.

Nokondi i bin winim Likas long wanpela trai — 4 poin na ol i bin kisim K130 1st praismani na Likas kisim K100.

Bihain long dispela 'A' gret long pilai, wanpela tim Water Rocks ol i bin kros na ol pilaia i bin sindaun protes long pilai graun inap sampela aua. Sampela bilong ol i bin spak na ol i kisim tupela katen bia na sindaun long fil.

Ol pilaia i bin putim protes long wanem ol i tok no amamas long wanpela reperi, Robert Manusi husat i bilong Nokondi. Em i bin reperi tupela wik i go pinis long painimaut husat bai pilai long gren fainal wantaim Nokondi.

Ol tok Manusi i bin wansait na helpim ol Likas long win. Dispela protes i bin stapim tupela junia gret tim long pilai.

Bihain ol Water Rocks pilaia i harim tok bilong ol komiti na ol klia long fil na larim ol

MUD MAN i raitim

Korfena tim i bin pilaim ol Lumbo. I no long taim long namba tu hap, dispela tupela junia tim i bin pait nogut tru.

Watabung plis i bin troimim wanpela tiages (teargas) long kolim ol pait. Ol sapota bilong tupela sait i bin helpim ol pilaia na ol i bin pait tu. I no gat man i kisim bagarap long dispela taim.

Ol viles gem komiti i stapim dispela pait na Reks Nemarapa i bin tokim ol dispela tupela tim olsem ol i bin i gat 20 minit samting lep na ol i ken pinisim.

Nemarapa i tokim ol olsem sapos wanpela tim stat long pait gen, ol komiti bai givim win i go long narapela tim. Long dispela junia gem ol Lumbo i bin winim ol Korfena tim, 6-4.

Long 'A' gret gem, Nokondi i bin wasim Likas long 4 poin na ol i bin win.

## New executive aches for proper action

by FLORIAN DATI

TABUBIL Softball association has elected a new executive at its recent annual meeting.

Among the executive is Zemo Apo who is also the executive officer of Tabubil football (soccer) association and a very capable administrator. Others are:

Gerard Panambung (president) Angelea Morin (vice president), Lapan Maliwai (treasurer). Committee members will consist of two people from each club.

According to the new executive all games played so far are ruled "null and void". This decision was taken because the outgoing executive did not follow proper procedures prior to allowing games to be played. The main factors were:

- (a) No annual meeting was conducted prior to disclosing the draws;
- (b) A lot of unregistered players taking part in games.

The new executive has called off all games until February 1 when the proper season will start and games will be officially recognised.

# SUBURBAN LEAGUE PLAYED UNDER PORT MORESBY'S 34°C TEMPERATURE



• This winger heads for the tryline and it seems that no one can stop him from scoring this time.



• Kone Rocks' brickwall defence is a credit to its players. They are strong but not fast enough to run around their opponents.




• Find the ball... Sharks No 8 just off-loaded it but his team mate has no other way to hold on to it but hit the hard soil with it.



• Here he comes... get him! You can almost hear Sharks yelling out.



• Such clean breaks enabled Kaugere Sharks to come out winners of the suburban clash at Konedobu, Port Moresby.



• This kind of support football played by Sharks — two to one — won them their last match against rivals, Kone Rocks.



• Two of Rocks' forwards helped themselves to a long Shark during their inter-suburban rugby league off-season battle in Port Moresby last weekend.



• A Kone Rocks player heading for the turf as he gets pulled down by a defending Kaugere youngster.

# German twin win awards



• Steffi Graf and Boris Becker were crowned the Federal Republic of Germany's Sportsman and Sportsman of the Year at the Kurhaus in Baden-Baden. German sports reporters, making the awards for the 40th time since 1947, voted the German fencing team — a surprise choice — Team of the Year. Photo: Sven Simon

## A clean sweep for Boris and Steffi

TENNIS reigned supreme at this year's Sportsman and Sportswoman of the Year award ceremony in Baden-Baden; Baden-Baden, Federal Republic of Germany, with soccer an also-ran. The prince and princess of the day were tennis superstars Boris Becker, 19, and Steffi Graf, 17.



Boris and Steffi, whose meteoric rise to stardom has taken them both less than two years, were voted sportsman and sportswoman in a jubilee year by German sports reporters. It was the 40th award ceremony in Baden-Baden; 40 years ago the first Sportsman of the Year was a tennis player too, Gottfried von Cramm.


Boris and Steffi have been so successful this year that other, no less impressive achievements in less popular sports were shown a clean pair of tennis shoe heels. Swimming world champion and record-holder Michael Gross, Sportsman of the Year from 1982 to 1984, trailed Becker, as did European hurdles champion Harald Schmid and world champion oarsman Peter-Michael Kolbe. And Anja Fichtel, 17, the youngest women's world fencing champion of all time, was only runner-up to Steffi Graf.

— Wolfgang Weber





## Poor sporting conditions don't matter in Daru


• Both pictures, were taken by reporter — freelancer — IAN KAKARERE as he travelled to Daru over his X-mas break.





# Baby Foods



Johnston's Pharmacies i save salim gutpela kaikai bilong baby - HEINZ i pulap long planti gutpela kaikai na tu ol istap pas gut tru insait long tin na botol.

Olsem na sapos yu laik baby bilong yu i kisim olgeta gutpela kaikai, orait yu mas kisim HEINZ. Baby kaikai long Johnstons Pharmacies.

**JOHNSTON'S PHARMACIES**

BOROKO - 25 5336  
PORT MORESBY - 21 4424  
GEREHU - 26 0290  
KOKI - 21 7318

ARAWA - 95 1304  
KIETA - 95 6250  
PANGUNA - 95 8028



# HOHOLA SOFT DRINKS

*Makers of Schweppes*



*hohola* from **Top Tropical Tastes**  
SOFTDRINKS PTY. LTD.  
MANUFACTURERS OF SOFT DRINKS & CORDIALS  
PHONE 25 4366 or 25 4435

## Bomana boys play football to stay fit

by PAULINE LAKI

FITNESS and good health is and has been the aim of touch rugby football for the policemen at Bomana Police College near Port Moresby for the last eight weeks.

According to the Bomana Sports co-ordinator and secretary, Billy Molowia, "one touch footy", is a sure way to keep their men in shape during the rugby union and league off season.

The policemen didn't have to look far for opponents, having the numbers within the college.

They have six inter-unit teams, except for the members of the mobil squads, MacGregor Barracks, now heading the ladder with 13 points.

The barracks is couple of kilometres away from the college which is also not a part of the Bomana training depot.

The other teams, in order of position as from last Sunday, January 4: Common Services Wing (CSW), 12 points, Recruit Training Wing (RTW), 8, Training Development Unit (TDU) 6, Transport 5 sharing it with the other underdogs, the Dogs (dog unit).

It has been a great match each weekend in the past for all rank and file. But not too social because they all are fighting out for a grand prize of a trophy and K200 for the champions.

And they only have two weeks to go before the knock-out finals.

Already a clear indication that the two wooden spooners, Transport and Dogs will have to be eliminated, leaving the top four teams for the round robin.

At this point the recruits have something extra in their efforts, having their eyes away from the local shores, they have been raising funds for a "one touch footy" match with their counterparts in Cairns after Bomana season is over this year.

SEE DRAW ON PAGE 8

## K80 tausen helpim bai go long spotman

PAULINE LAKI i raitim

INTENESENEL spot grup, em ol kolim Olympik Solidariti, bai givim K80,000 i go long PNG long ranim moa trening kos dispela yia 1987 long Nesenel Spots Institut long Goroka.

PNG Spots Federesen Sekreteri, John Dawanincura i bin tokaut long 6-pela kos em dispela mani i kam long Olympik Solidariti bai karamapim.

Em i tokaut tu pinis long ol taim dispela ol kos bai kamap long en:

Spot Administrasen Kos — 9-13th, Mars.

Wait-lying — 13-17th Epril.

Volibal — 14-19th Me.

Boksing — 22-26th, Jun.

Hoki — 13-17th, Julai.

Spots Medesen — 2-6th, Ogas.

Tisa bilong volibal kosing trening long NSI, John Rife, i amamas tru long dispela nius. Em i pilim olsem dispela volibal trening kos bai mekim moa pipel i stat long i go antap long hai level bilong pilai volibal.

Em i amamas tru long helpim i kam long Olympik Solidariti.

Las yia em i bin ranim 6-pela volibal kos long Wewak, Lae na Rabaul (tupela taim), Samarai na Mosbi.

Ol tisa bilong ol narapela spot long Goroka i no skelim tingting bilong ol yet long dispela taim.

Nau yet Intenesenel Olympik Komiti i orait pinis long givimaut samting olsem K7,900 i go long olgeta Olympik komiti bilong wan, wan kantri olsem bai ol i givim helpim i go long ol samting em bai ol i yusim long 1988 Olympik Gems long Seoul, South Korea.

## Tupela spot bikman gat planti divelopmen plen

TUPELA bikman bilong spot long PNG i kam bek pinis long wanpela bikpela spot kibung long Singapore wantaim planti nupela tingting long divelopim spot long kantri.

Spots Kaunsil i holim dispela namba tu Intenesenel Spot Saiens Konprens long Septemba na pinis long Desemba 3, 1986.

Nem bilong dispela tupela man ya em long Patrik Longe na Dokta Benie Amof.

Mista Longe i save wok wantaim Divisen bilong Spots i kam aninit long Dipatmen bilong Hom Afeas.

Na Dokta Amof em wanpela dokta

bilong Angau Memorial Haus sik long Lae.

Dokta Amof em i go skul long kisim moa save long Spots Medesin. Em ol marasin bilong mekim kainkain pilai nambaut.

Mista Longe i tokim *Wantok* las wik, samting olsem 300 manmeri i bin stap long dispela intenesenel konprens.

Ol manmeri i bin kam long olgeta kantri long wol. Ol i kam long Ingran, India, Amerika, Malaysia, Singapore yet, na planti tru i kam long Australia.

Insait long dispela konprens, ol deliget (mausman) bilong wanwan kantri i lainim planti ol nupela samting


long toktok bilong spot o pilai.

Bikpela as tingting bilong dispela konprens em 'Gutpela we na pasin bilong Spots' (Toward Sports Excellence).

Mista Longe i tok, dispela konprens i helpim tru wok bilong em olsem wanpela opisa lukautim spots long kantri.

Em i laik gavman i mas givim bikpela taim na mani long spots.

Singapore i winim tru PNG. Sapos yu laik toktok long Spots PNG i no inap yet daunim Singapore.



Throwback: by the end of the 19th century, the idiosyncrasies of public school football had largely been abandoned in favour of Rugby or Association rules. But the Eton Wall game has survived — lumbering and indecisive with constricting laws and a ludicrous pitch — a ritual for ritual's sake  
*Syndication International*

## How rugby league began

PAPUA New Guineans currently have a tremendous admiration and love for the body contact sport called Rugby League.

Hundreds and thousands normally pour in, to witness the game or participate in the activity especially at weekends and at times of inter-province matches, inter-zones and big clashes like international games. But we cease to wonder how did this exciting spectator sport had come into existence. Who was the first scholar or genius to detect the sport, how was it born and diffused?

History books have exposed the hidden secrets of the birth of the game. The sport was invented in northern England in the 18th or 19th century. However, who in particular did discover such a skill talented sport is not clearly familiar.

The history records outlines that Rugby League was born out of the family sport Rugby

Union. Rugby League is classified as a professional sport, while Rugby Union remains an amateur game.

It was in England that 22 Rugby Football Union clubs deliberately pulled out of the parent body of Rugby Football Union because they wanted to be paid for loss of wages during working hours incurred while participating in the sport.

By 1895 the first formed Northern Union Football Union professional was effective and in the 1920s it was officially declared and issued the name Rugby League.

It has so far diffused from England into neighbouring France and across the landmasses and seas into Australia, New Zealand and from there into Papua New Guinea.

Compiled by RAYMOND AUGUST

## A new blood to play centre for NCD's Tigers

by IAN KAKARERE

PORT Moresby's Kone Tigers club is to gain the services of an up-and-coming schoolboys' centre.

Kaisara Masere, 18 Tureture village, Daru, was a member of the National Capital District team which won National Schoolboys Rugby League carnival at Goroka, July last year.

Kaisara was key player in NCD's success in the carnival. He scored two tries in the carnival, and was chosen as the best and fairest player in the grand final against Eastern Highlands.

He graduated from Sogeri National High school last year and will be attending the University of Papua New Guinea this year.

He said, "There is no real reason why I am joining Kone Tigers.

"Except that Kone Tigers oval is the nearest to the university campus," he added.

Kaisara comes from a rugby league family. His father Mr Nai'i Masere was a successful captain/coach at Goroka in the early 1970s.



## WANTOK SPORTS DRAWS

**SOFBAL DRO - MEN**  
**WIK 11 - SANDE 11 JANUERI, 1986**  
**DAIMON 1**

| Taim  | Tim | Reperi            |
|-------|-----|-------------------|
| 9.00  | D   | Karanas vs Esa    |
| 10.30 | A   | Mazda vs Fuji     |
| 12.00 | A   | Nissan vs I.Hawks |
| 1.30  | A   | Elkom vs Yokomo   |
| 3.00  | A   | B.Igels vs Kabiu  |
| 4.30  | A   | H.NGI vs Malangan |

**DAIMON 3**

|       |   |                    |
|-------|---|--------------------|
| 9.00  | D | ANG vs Chebu       |
| 10.30 | B | Nissan vs H.NGI    |
| 12.00 | B | YMCA vs Malangan   |
| 1.30  | B | B.Igels vs Karanas |
| 3.00  | B | Chebu vs Elkom     |

4.30 B Esa vs Mazda  
D.Kaputin  
Kabiu  
J.Karigal

**DAIMON 2**

|       |   |                  |
|-------|---|------------------|
| 9.00  | D | Manalos vs Fuji  |
| 10.30 | C | Aviat vs Kabiu   |
| 12.00 | C | Bomana vs Yokomo |
| 1.30  | C | Adkol vs Hanzabe |
| 3.00  | C | Spia vs Insurens |
| 4.30  | C | Hansabe Bye      |

**DAIMON 4**

|       |   |                   |
|-------|---|-------------------|
| 9.00  | D | Aviat vs YMCA     |
| 10.30 | E | Uni vs I.Hawks    |
| 12.00 | E | Bargam vs NBC     |
| 1.30  | E | H.NGI vs Mazda    |
| 3.00  | E | Aviat vs Dela     |
| 4.30  | E | Manalos vs Saints |

Time - Steward - Umpire:  
09.00 - HB -  
10.30 - Insurens -  
12.00 - Aviat -  
13.30 - Karanas -  
15.00 - I.Hawks -  
16.30 - K.abiu -

**WOMENS TOUCH FINALS - SIR HUBERT MURRAY STADIUM**

JANUARY 11, 1987

| Field 1                             | Field 2             | games                                     |
|-------------------------------------|---------------------|---|
| 08.00 Credit Corp vs Works          | Elcom vs DCA        | 10.00 Semi Final (winners of 08.40 games) |
| 08.40 Leko PTC vs Hebou             | Bulldogs vs Rockets | 10.40 KB Raiders vs Imilakele             |
| 09.20 Semi Final (winners of 08.00) |                     | Grand Final (semi final winners)          |

## BOMANA POLICE TOUCH ASSOC.

*Progressive Points Ladder*

MacGregor Bks 10, Dogs 8; CSW 10, TDU 8; RTW 10, Transport 0.

**DRAW: 11/1/87**

1.30pm TDU vs Transport  
RTW vs MacGregor Brks  
Dogs vs CSW

## Yu win pinis!



Em hia tupela wina bilong Wantok Spotim Bal namba 4.

- HILARY WAPIK long Isten Hailans, i winim pinis namba wan prais — K75.
- Na LUKAI MAIYA i namba tu wina. Em winim K25. Lukai i no makim stret tasol em i klostu tru.

## Gavman bai holim bek PNG SP tim?

PAULINE LAKI i raitim

OL spotsmanmeri bilong PNG i givim fultaim trening long Desemba Saut Pasifik Gems long Nu Kaledonia. Ol i save bai ol i go o nogat, inap nesenel gavman yet i givim tokorait.

Foren Afeas Minista, Ted Diro i tok PNG bai no inap long sanap em wanpela long ol taim nogut. Olsem na em bai raun wokabaut pastaim long ol narapela Saut Pasifik kantri na kisim tingting bilong ol pastaim.

Bihain long PNG i skelim gut tru tingting long salim spots tim bilong "yumi" i go long Nu Kaledonia bai nesenel gavman bai givim tok save.

Tasol lida bilong Oposisen, Michael Somare i laikim gavman i mas tokaut pastaim nau long tingting bilong en olsem bai PNG tim bai go o nogat? Dispela we bai ol spotmanmeri i ken save na redi long stat bilong yia nau na ol i ken gohet long trening o nogat.

Mista Somare i tok gavman i mas tokaut nau bikos nogat bai olsem "las minit" pasin em gavman i bin mekim long stapim PNG tim long no ken go long Komonwelt Gems long Skotlan las yia.

Em PNG Komonwelt tim i bin kisim nogut bihain long trening planti de na nait na redi long dispela bikpela pilai long Edinbra.

Las wik, Mosi Not Is memba, Tony Siaguru i singaut long gavman tu long skelim dispela samting nau. Na toksave long ol memba bilong PNG Spots Federesen na maski long las minit toktok i kamapim hevi tru long ol spotmanmeri i trening hat long ol dispela bikpela pilai.

Presiden bilong PNG Spots Federesen, Sir Henry ToRobert tu i laikim gavman i mas tokaut nau bikos em i no laikim planti problem long bihaintaim.

Dispela ol toktok i kamap bikos ol Melanesian pipel ol kolim "Kanak" i wok long paik long kisim Independens i kam long gamvan bilong Frans. Na PNG i save strong tru olsem ol Kanak pipel bilong Nu Kaledonia mas kisim Independens.

Olsem na gavman i laik glaism gut tru. Nogut bai sampela birua pasin i kamap long PNG tim i go long pilai long Nu Kaledonia i kam long ol birua bilong ol Kanak pipel long dispela hap.

Mista Somare i tokim ol niusman olsem PNG i mas i go yet long dispela pilai. Bikos pes bilong PNG long pilai bai strongim moa tingting na hat wok bilong ol long kisim Independens.

Mista Somare i tok, tingting bilong salim ol tim o nogat, em samting bilong wan wan Pasifik Ailan kantri long glaisim.

Em i tok, sapos nogat Saut Pasifik Gems i no ken kamap long Nu Kaledonia, komiti i ken painim narapela Pasifik kantri long holim dispela pilai.

## Roosters put leader Borderline to test

by HENRY MORABANG

THE upcoming Roosters almost caused a major upset when it battled with Hohola competition leader Borderline at the NCD "Karanas" oval last Sunday.

Roosters was leading 12-0 at half time. But Borderline managed to come in and turn the table to score 12 points in second half finishing the game with a 12 all tie.

Both sides started in a fast pace. Roosters players almost went out of control but managed to come back on the right course.

Border still with suspended junior

Kumul rebel Sukope Tova and East mastermind Charlie Kouro at half back position gave their opponents a hard time.

It was in the 15th minute that Roosters outplayed its opponent by causing confusion in Borderline's territory and scored a try.

Roosters' first try came from brilliant ballwork by the Rendoll brothers Ray and Nambate.

As soon as halfback Nambate got the ball from the tackle, he raced across the centre line and off loaded the ball to his small brother Raymond.

Raymond outspurred three of his opponents to score the centre try.

Roosters' second try was scored by centre Kidini Kave.

In the second half, Rooster players failed to keep their stamina and Borderline ran rings around the team.

Borderline came into second half aggressively which resulted in Borderline's fullback receiving a cut near his eyebrow.

Borderline's tries came from brilliant bomb put up by fullback Tova.

If Tova had not been suspended he may be making his second international appearance in the France and England rugby league tour with Kumuls later this year.

The game between Roosters and Borderline was top class football action.

In earlier matches, Crusaders held Sea Eagles 6 all and one time competition leader Sharks crushed the Cool Guys Raiders 12-8.

Points ladder A

Borderline 11  
Sharks 11  
Sea Eagles 10  
Roosters 9  
Raiders 7  
Crusaders 5

B

Crusaders 14  
Borderline 13  
Sharks 7  
Sea Eagles 6  
Raiders 6  
Roosters 2

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.